

佛說海龍王經卷第一

西晉月氏國三藏竺法護譯

行品第一

聞如是一時佛遊王舍城靈鷲山與大比丘衆俱比丘八千菩薩萬二千一切大聖十方來會衆德具足得諸總持無所不博辯才至具決一切疑入大神通分別慧義諸度無極濟於彼岸究暢開士定意正受諸佛咨嗟普遊殊域神足飛行降化衆魔分別諸法知如本諦觀見一切衆生之原積累道品於世八法而無所著以大慈哀嚴身口意被無極鎧過大精進於無數劫而不厭倦為師子吼開化外道以不退轉印如印之曉了諸佛深要法藏其名曰山光菩薩惠山菩薩大明菩薩慈持山明菩薩山鎧三菩薩山頂菩薩山幢菩薩山王菩薩石磨王菩薩雷音菩薩雨王菩薩寶雨菩薩寶英菩薩寶首菩薩寶藏菩薩寶明菩薩寶幢菩薩寶頂菩薩寶印手菩薩寶湯菩薩寶嚴菩薩寶水

菩薩寶光菩薩寶鎧菩薩寶現菩薩寶造菩薩樂嚴法菩薩淨王菩薩嚴頂相菩薩金光菩薩寶嚴菩薩天冠菩薩千光菩薩原嶮菩薩照昧菩薩月辯菩薩發意轉法輪菩薩金光淨菩薩常施無畏菩薩萬二千菩薩德皆如是是賢劫中大神勸教首等六十大聖不可思議解縛等十六正士帝釋四天王與忉利天人俱詣天兜術天不憍樂天化自在天魔子道師梵天王梵淨天王善梵天王梵具足天王大神妙天淨居天離垢光天乃至一善天燕居无善神王各與眷屬六萬山樹神王四萬二千力士神王一名持華三萬二千與香音神俱無焚龍王與七萬二千諸龍俱四方金翅鳥王及餘一切諸大尊神天龍鬼神無善神鳳凰神玉山樹神王甜柔神等各與眷屬來詣佛所稽首畢一面住比丘比丘足清信士清信女前為佛作礼各坐一面彼時佛與若干百千之衆營從圍遶佛處諸天嚴淨師子高廣之座為四部衆而普說法

佛說海龍王經卷第一

佛在衆中如安明山王現于大海德起諸天世無雙比光明巍巍靡所不照如來威變應時空中化有寶蓋衆珍難珍瓊瑤四方無數百千垂珠璣瑤青黃赤白無垢寶珠照虛空珠光從珠出其色無量不可稱計雨諸香華華至于膝虛空之中出大雷音雨衆名香於是賢者大目犍連承佛聖旨前問佛言今所感動未曾見聞此何瑞應佛告目連今海龍王欲求見佛故先現瑞佛語未竟尋時龍王與七十二億婢女八十四億眷屬皆賣香華幢幡寶蓋百千伎樂往詣佛所前稽首畢遶佛七匝各以所持用散佛上伎樂供養與中宮眷屬俱住佛前以偈讚曰
慈施愍傷俗 示現與世眼 雖生於世今 無著如蓮華 施俗之安隱 在世照三世 解法如日光 稽首世尊上 十力起施戒 自調成眷屬 燒除塵勞冥 御衆如調馬 施與十大財 恩慈如衆生 為一切父母 稽首取福田 眉間相光曜 如日白雪光 究天人在上 無能見其頂 佛面出大光

佛說海龍王經卷第一

家光獲安隱 普照百千國 至于無擇獄
柔軟言無極 解使眾疑結 音遍天世間
清淨無垢穢 除垢摺凝冥 照以智慧光
施安令歡喜 為示現解脫 无導達三世
求比無等倫 知人群萌行 了善惡所趣
觀察人根原 一時咸能觀 開心令解脫
稽首諸慧上 百千億諸魔 詣樹求佛便
至德願威神 降伏伏邪心 不瞋不厭倦
導以慈哀力 供養世之尊 孰敢慙慢者
觀法無所有 辟之如虛空 猶電露泡沫
幻化及野馬 本空緣相與 計之無吾我
顯示生死法 是故莫不供 所以無數劫
勤行億那術 供養億方妓 不可計諸佛
布施及戒忍 精進禪智慧 尊願已具足
稽首大聖經

於是海龍王說此偈讚佛已前白佛
言願欲有所問儻肯聽者乃敢宣陳
佛言在汝所問若有疑者如來當為
具發遣之龍王見聽喜踊問曰何謂
菩薩除諸惡趣何謂菩薩超出諸難
何謂菩薩生天上人間何謂菩薩不
離諸佛何謂菩薩得值善友何謂菩
薩常在安隱何謂菩薩常懷為信何

謂菩薩多所悅護何謂菩薩濟眾因
緣何謂菩薩長益善法何謂菩薩喜
造德本何謂菩薩常樂於義何謂菩
薩不著五陰何謂菩薩常好於法何
謂菩薩樂於法樂何謂菩薩所聞無
厭何謂菩薩請益觀義何謂菩薩聞
能奉行何謂菩薩具出家德何謂菩
薩離居順戒何謂菩薩棄於重擔何
謂菩薩常處樹下何謂菩薩樂處閑
居何謂菩薩而獨樂處何謂菩薩離
諸諍論何謂菩薩具出家慧何謂菩
薩入深要法何謂菩薩觀法如幻何
謂菩薩不墮滅見何謂菩薩不墮常
見何謂菩薩起因緣法何謂菩薩離
諸邪見何謂菩薩神通自樂何謂菩
薩而得六通何謂菩薩而得慧通何
謂菩薩漏盡神通何謂菩薩現無蓋
慈何謂菩薩所見無尋何謂菩薩曉
了眾生心之所行何謂菩薩行無欺
足何謂菩薩分別所受教化之言何
謂菩薩降伏魔怨何謂菩薩離諸恐
懼何謂菩薩御退轉者何謂菩薩得
不退轉何謂菩薩遠不起忍何謂菩

薩過於諸淨何謂菩薩諸行清淨何
謂菩薩世尊授決佛言善哉善哉海
龍王乃問如來如此之義諦聽諦聽
善思念之龍王曰唯然世尊願樂欲
聞佛言菩薩有四事盡諸惡趣何等
為四菩薩無害心於眾生常護十德
不說人短亦不輕慢自省已過不訟
彼穢是為四復有四事超出諸難何
等為四常歎三寶佛法聖眾有樂法
者而不憊亂不造人疑有猶豫者志
開導之是為四復有四事生天上人
間何等四不捨道心又教他人亦不
毀戒心願清淨為人說經而發大哀
是為四事復有八事不離諸佛何等
八常念諸佛供養如來嗟歎世尊作
佛像形勸化眾生使見如來其所向
方聞佛之名願生彼國志不怯弱常
樂微妙佛之正慧是為八事復有四
事得值善友何謂四不慢無諂常加
恭敬柔和順言而不自大常受言教
是為四復有三事常在隱處何等三
不剛不軟而不諛諂除諸貪嫉見人
得供代其歡喜是為三復有五事常

懷篤信何等五曉樂脫力精切德力
八報應力導道心力將御法力是為
五復有二事多所悅護何等二不捨
歡喜不在瞋恨是為二復有二十事
護衆因緣何等二十常信佛教不著
他緣所作自護他作他受法法相應
法法相照善惡報應无乱不順心無
想念無我無人都無所有亦無往來
無所歸趣除因緣報由罪福安危將護
諸緣諸佛世尊皆由清淨而成道德除
衆惡事以故吾等修行善本是為二
十復有二事長益善法何等二知於
三品行無放逸是為二復有二事何
等二喜造德本亦不想報是為二復
有五事常樂於義何等五不著色聲
香味識是為五復有五事常好於法何
等為五不貪色痛志得智慧擁護一切
是為五復有六事常樂於法何等六樂
於五根不樂五欲常樂法會不樂世談
樂講說經不樂衣食常樂觀法不樂
不淨樂遵修法不樂文字樂於佛法
不樂聲聞緣覺法是為六復有八事
樂於法樂何等八樂講佛道不樂卑

海龍三經第一卷第八張改

賤樂度無極不樂聲聞緣覺道樂讚
四恩不樂非法樂大慈哀不樂世事
樂說大道不樂終始樂講深法緣起
之本不樂常無常我人壽命樂空無
想無願真諦之法不樂調戲難放逸
想樂嚴佛國不樂觀滅是為八
復有五事所聞無厭何等五博聞智
慧利於明達聞無厭足普聽不懈決
諸狐疑聞無厭足因聞覺了塵勞悉
恨故無厭足因聞斷欲而除一切衆
生垢著故無厭足因聞勇猛決一切
疑故無厭足是為五復有二事觀義
求聞不倦何等二興於賢聖正見之
行得無尋辯惣持之要是為二復有
十事間能奉行何等十利知厭足在
於閑居身口心寂進止安詳所聞觀
耳獨處少事不樂衆閑初夜後夜常
觀精進敬重善友志懷著卑常以大
哀護於一切等賢聖禪至德具足以
惠救護天上世間是為十復有五事
具出家德何等五所作已成不復忘
失滅除塵結其心當捨一切諸著諸
佛世尊不認其短已得解脫見諸縛

海龍三經第一卷第八張改

者為說脫法是為五復有五出家順戒
何等五救順禁法救濟毀戒順諸所聞
救濟劫聞順所定意救濟亂心順所智
慧救濟愚智順所度知立於衆人安隱
無為是為五復有五棄何等五棄於
重擔而除五陰斷恩愛結及諸所習
常以寂定捨於寂滅入于道德奉行
八道入於聖諦立一切人於正諦法
是為五復有四法常嚴樹下何等四
不惜身命奉行一切諸德善法發神
通慧行寂然事天人欣悅是為四復
有四事樂處閑居何等四發大哀以
處閑居諸佛所歎救衆生無偏邪
行坐成佛時莊嚴自由不為塵勞學
餘菩薩究竟之行積閑居德入於郡
國縣邑聚落為衆說法是為四復有
三事而習無坐寂尊無上功德微妙
為賢聖行何等三不習憎愛亦無所
慕自在離欲心無縛者行步自由等
心一切疾得定意是為三復有三事
離諸諛諂其心質直而無恚恨已住
於行衆結便斷是為三復有八事具
出家德何等八賢聖知足在於獨處

海龍三經第一卷第九張改

得知限節遠諸博聞素悵忍辱不捨道心行四意止專精定意而應智慧一切所興以行為要是為八復有十事入深要法何等十見身自然諸法自然身入於淨一切法淨見已無吾諸法無我自觀身空不疑諸法空已身無聲諸法如響察身寂實諸法靜默我者審諦觀諸法諦我志深妙見諸法與已身無聞諸法如鼓吾無所受見一切法無可取者是為十復有十事諸法如幻興誑詐相諸法如夢所見無實諸法如野馬起顛倒想見不諦故諸法如影所作因緣無以為樂諸法如水月捉不可得其相離行諸法如響本末空諸法如電見現隨滅諸法如畫離姪怒癡諸法本淨不為客垢之所沾汙諸法如虛空適起尋滅無有處所是為十復有二事不隨滅見何等為二隨時之慧入於罪福了別諸佛聖智之明是為二復有二事不墮常見何等為二一切說無常慧適起便滅意無永存是為二復有四事起因緣法何等為四無點

海龍王經卷第十二

之習入生死習無黑已滅生死便除不墮滅見不住常觀是為四復有四事離諸邪見何等四曉空慧不見彼我解無相不見壽命了無願不見三處分別緣起離常無常是為四復有六事以諸神通而自娛樂何等六不以惡眼視於眾生得天眼淨聞惡聲者則能忍辱逮天耳淨其心不亂觀他心淨殖眾德本則識過事如口所語身行亦亦獲神足淨修行諸敬不欺法師盡諸漏淨是為六復有六事得六通何等六以然燈故得天眼淨施諸音樂得天耳淨施無怖望了眾生心殖眾德本知過去事却諸陰蓋決眾狐疑逮神足淨以法布施盡諸漏淨是為六復有六事而得通慧何等六適見如來得天眼淨合會說法得天耳淨制伏其心見眾生意常習六念得識宿命棄諸貪濁逮成神足輕舉能飛遶修諸法得盡諸漏是為六佛復告龍王以有神通而自娛樂聲聞緣覺及外道神仙天龍鬼神無善神鳳凰神王山神王訃系神人與非

海龍王經卷第十二

人所有天眼計菩薩眼寂上無極清淨明徹除如來眼菩薩之眼無所不見天人光色諸法之本無所罣碍又聲聞緣覺及天龍神人與非人計菩薩耳寂上無極清淨明徹除如來耳菩薩之耳無所不聞天人音聲諸法之講無所罣碍聞諸音聲知三達事皆了一切眾生之心所行造念因緣報應往來之想淨不淨著不著若干種心若逆心若順心縛心解心依心不依心惑心定心有處心無處心若興衰心已曉了之悉見人根如應說法以識宿命知彼我本終始所起無所不達至誠不虛神足無碍無所不現是為菩薩五神通又心自在所作具足是為娛樂亦現佛身而般涅槃不永滅度何謂菩薩漏盡神通菩薩起越聲聞緣覺所得解脫猶於佛慧曉了眾生一切本淨不盡諸漏而不取證為一切人讚諸漏盡是為六神通復有四事見無盡慧何等四遵修慈德致此五通行大慈大哀知四解行奉善權慧逮四無罣碍意正受空

海龍王經卷第十二

無相无願致三十七道品之法是為四
佛復告龍王何謂所見無蓋諸有塵
勞除一切垢所有望尋現生死本導
御泥洹現聲聞緣覺乘化至道場隨
勸習俗亦人行寂是謂無蓋復有無
蓋現一切數至無所有現滅諸數達无
所著雖在有數諸行之事於無數法
無所望尋彼無陰蓋得至無為於有
為法亦無望尋是謂善薩現无尋慧
復有四事曉了眾生心之所行隨習
俗慧正受明了識意所為善權方便
於諸法自在是為四復有五事行無
厭足何等為五已獲大安令眾生安
大哀堅強視一切人如已骨髓隨人
所行而亦現行立於極上奇特之德
是為五復有六事分別所受教化之
言何等六逮得持心立寂然入審
諦淨心入諸慧辨才無著無止方便
之慧次第解脫是為六復有八事降
伏魔悉何等八曉了五陰譬若如幻
離貪見塵而行空事知一切法皆無
所生隨其所生如開導之不捨道意
堅強精進不捨佛道不畏三界離於

海龍王經卷第二三改

所有觀於人物求審諦慧觀無常相
積德不歇合集智慧不樂聲聞緣覺
之智是為八復有十事離諸恐懼行
菩薩事何等十行於布施以莊嚴想
立于禁戒斷諸惡趣遊於忍辱諸根不
亂堅強精進種種善不倦修行禪定其
心不荒成于智慧而離塵勞善權方
便曉了無邊聖智之願得分別事解
知法義辨才隨順逮得慈持決除眾
生諸所狐疑得住佛住護一切法是
為十復有八事御退轉者何等八言
行相應自省已過不說彼開寧失身
命不造輕重獲利不喜無利不感心
不懷害誘導一切興眾祐意等數禁
戒不捨師法安悅眾人不求自安一
切所受施而不悔是為八復有五事
得不退轉於無上正真道何等五善
權方便成諸度無疑入深妙法了審
諦義神通無尋見眾生根分別諸慧
行無所著行不可盡遊於緣起不盡
一切諸漏之證是為五復有三事逮
不起忍何等三察人清淨而無吾我
法淨寂冥慧淨無著是為三復有三事

海龍王經卷第二四改

過諸清淨過去清淨諸法常盡當來
清淨法無所起今現清淨法無所住
是為三復有三事身行清淨功德熾
盛口言清淨智慧巍巍意念清淨定
而不轉是為三復有四事為佛世尊
所見授決何等四情性和順奉達于
法具足諸行觀清白行逮得慧力解
一切心了諸法本淨不起不滅所由
不亂佛告龍王是為四法善薩所行
為佛世尊所見授決

分別品第二

佛說是已十二億百千諸天龍神香
音神人與非人皆發無上正真道意
七万二千菩薩得不起法忍百四十
万眾得法眼淨遠塵離垢八千比丘
漏盡意解五千天子得離愛欲三千
大千世界六返震動其大光明普照
世界空中自然而雨天華諸天在上
鼓百千伎樂共歎頌曰今者如來所
說經法為轉法輪在波羅奈所轉
法輪今說斯經復加增倍所以者何
於此經者為無央數不可計人開導
利義若人聞此德本不忘何况受持

海龍王經卷第十五改

能奉行者善得人身快見如來諦聞此法聞此法已便發無上正真道者閉塞惡趣開天人迹當觀此比如獲滅度於是世尊讚諸天子曰善哉善哉快說此言聞斯經法歡喜信者佛所建立開化大乘是等之類速如來慧不退轉印而以印之終不餘趣順至佛道超諸苦難於是龍王聞說斯經欣然喜踊善心生焉有摩尼珠名曰立海清淨寶嚴普明價直三千大千世界以奉世尊其珠之光覆蔽日月之明一切衆會得未曾有有禮佛而住同音而歎佛興難值既興於世乃現若茲未曾有法時海龍王獻寶珠已而白佛言以是德本速得無導佛身光明今其光明普照十方諸佛國土若人蒙光除諸塵勞如今如來有間光明令我如是獨却衆冥運平等覺其入邪者今立正道

六度品第三

海龍王白佛何謂菩薩獨却衆冥佛語龍王菩薩智慧殊異手執慧燈分明智慧智慧寂勝持智慧劍有正與

海龍王經卷第三

這皆以智慧建立智慧而以布施持戒忍辱精進禪思智慧建立智慧修行於戒忍辱精進一心普觀諸法建立智慧開化衆生菩薩何謂建立智慧而行布施等於布施布施已等等於吾我吾我已等便等於人已等於人諸法得等諸法已等得諸佛等雖有所施不捨是等既所施者不隨塵勞而以施時捨一切塵亦復如是捨一切生則一切施離諸住見棄諸所有是為菩薩建立智慧而以施彼何謂菩薩建立智慧而奉禁戒見身意寂斯護禁戒不倚身口意不倚今世後世亦無內外不倚陰蓋四大諸入不倚覺意不倚滅度於一切法亦無所倚則為護戒不以戒戲亦不放逸是為菩薩建立慧戒彼行忍辱亦不得我亦不得人亦不得我人不住吾所不住我所我淨人淨我淨人淨見一切法淨是為行忍彼雖行忍於法無作於法不起不滅彼雖行忍於諸法無寂不寂彼雖行忍見人空寂而無吾我亦不恐怖彼雖行忍亦不得身口意彼

海龍王經卷第三

雖壞身段節解之自觀其身如草木隨辟則為忍辱被聞惡言罵言自在言不可取言清淨言無礙所曉了所言則為忍辱彼雖亂心心無所結本無之心各各無實須臾滅盡以觀如此則為忍辱是為菩薩建立慧忍彼修精進長諸善法觀其法界不增不減等御法界察一切法不見諸法立成就者觀捨世者由從不實顛倒而興彼以清淨智慧之明觀一切法不隨諸法不捨諸法不觀諸法之所積聚不見去來何所從來何所去曉了諸法遵法如是分別苦諦顛倒之事為人說法修行精進彼諸衆生无實無諦若人無得一切諸法亦不可得所以者何人不離法法不離人如人自然吾我自然吾我自然諸法自然諸法自然佛法自然其以如是求諸佛法如自然者解自然已便逮佛法其有求者若已求者甫當求者彼求此已求無所得是為菩薩建立智慧精進之行彼於禪定而以正受不壞平等亦不成就彼於禪定而以正受諸法無思

海龍王經卷第三

亦無所捨亦不合會於諸境界行無著禪立諸禪法於諸法等亦無錯亂

非身非心思惟禪定志性無所應行不以禪行等於本無而以正受於本淨法而致平等一切人則致平等諸法本淨等無有色不以三昧所行如應心而不住內亦不起造外識無所住度於一切墮顛倒者起外五通聲聞緣覺禪定正受彼以禪定出智慧上除塵勞見彼以禪定志願于道開化衆生是則如來常一禪定至于滅度是為菩薩建立慧定彼觀諸法以慧眼察亦非肉眼亦不天眼觀諸法已見諸法寂觀諸法默諸法寂冥無行無屢諸法澹然無所成就普觀諸法皆已如是如是觀者是為法觀法觀如是不見諸法之所歸趣其有見法而不觀者不以見法而成觀也無求無曉不知不見是為見法無我無人無壽無命是為見法假使菩薩觀法如此見人顛倒益於衆生而發大哀法淨如是衆人倚著於是菩薩發弘大志欲度群萌是群萌者常無

前類是為菩薩建立慧法無盡藏品第四

佛告龍王何謂菩薩建立智慧為人說法不見有人人者無我無人非身人者寂寞人無所有人者本淨人者音聲人者名耳人空無相無願人非有數人而審諦人無所生人不有起為人說法講人清淨不懷吾我無壽無命不滅自然不滅所有隨人本行而為說法何況衆生本淨自然無我自然無形自然則人自然設人自然以此自然諸法自然設諸法自然一切佛法亦復自然是謂一切諸法悉為佛法一切諸法但假名耳因稀有名設說諸法則講非法所以者何如法所言非法亦然如呼法音則非法音所以者何諸法法界及與本淨不可言說亦無所得法界本淨亦無所持一切法界諸法本淨壞一切法何所成就是為諸佛法為說經法以是因緣寂寞如是不有諸佛法聲之化識也佛法無教而不可處有為無為所以者何不離有為無為而以解脫寧

有吳法可計數乎龍王答曰不也世尊諸法無數如來無數佛言如是如是如仁所言諸法無數如來無數則無有二於龍王意云何無數之言有處所乎答曰不也世尊佛言何以故當知當作斯觀佛法無處無言如佛法無言無處一切諸法无處無言亦復如是龍王觀視如來大哀巍巍若茲開化衆生今立堅固又一切法無處無教說因緣教是法有漏是法無漏是有世是度世事有著无著有數無數有為無為塵勞瞋恨習是捨是凡法聖法學法不學法聲聞法緣覺法菩薩法佛法佛言龍王如來如是為人說法講其處所亦不見法無諸法想譬如有入虛空無色无見欲以諸色盡於虛空而作天像及諸人像為馬步乘彼人盡是寧難不乎答曰甚難甚難至未曾有天中之天佛言龍王如來所為甚難於彼諸法無色無取而不可見亦無文字亦無所得而為一切講說言教示現文字設以方便此乃甚難其有信入如是像法

是等諸人多所成辦若有受此深妙義者不為諸魔之所便憶念我過世龍王更見供事無央數佛恒轉捨家淨修梵行彼如來等未曾為吾說深妙法應病如諸布施持戒學道之法聽聞忍辱仁和之教燕居靜處止足功德所以者何行德未了了行德已從大珠曜如來即得聞斯深妙之法應時運成系順法忍以是之故當知此義當作是觀聞是深法功德具足從過去正覺受此深經無想無名衆穢因緣無我無人無壽無命信樂受持諷誦為他人說其福甚多若有菩薩慙傷一切欲令安隱使三千大千世界一一衆生皆得所安諸天人民合集此德施與一人於龍王意云何菩薩寧為衆生加無極安不乎答曰甚多甚多天中天佛言其有菩薩施諸衆生若干安隱若為人說一句元常苦空非身之義空無相無願無我無人無壽無命不生不起之事則是施安福難稱量所以者何有為之安衆生皆更無為之安未曾歷也彼其

以此深妙之法而暢音聲於無為安以為服食是故菩薩欲自立義具世人願當學深妙之法若有菩薩所在會坐捨深妙法說雜句飾則為斷絕正法之化所以者何是深妙法布閭浮利而不沒盡人所聽受樂於法者不足言耳非人眾多假使法師藏深妙法讀雜句者不樂深法天則不歡悅是族姓子隨世所樂而說俗事為乎痛哉此衆會中無說法者心懷憎感而退捨去時海龍王白世尊曰布施持戒學道之法是俗事耶棄家出學淨修梵行非佛法耶世尊答曰諸佛興已起無起法於三界行有所救護皆是俗事非是佛語彼則何謂四禪四等心四無色定五通十善之行布施持戒忍辱精進一心智慧書疏按計經卷體醫方藥巧工技術身想衣食財物所愛禪定在三界行皆是俗事非為佛言佛告龍王佛興於世間未曾所聞非常之苦非我之寂除於苦義斷乎習義證於盡義連修道義入乎空義度於无想導御無願於諸

衆行不生不起義意止意斷根力神足究竟觀八寂路求真諦本淨如無所起陰種種入為空寂義所由諸義不壞諸法不壞非法解一切法不生不長皆無所起不計有常無常由因緣起得無所生還於本淨而離色欲現無數法入於道法在於道法無想不想無應不應捨於一切念淨不淨想無舉無下陰幽冥門自然如空得平等行於想等想無想於想難想均於一想難一切想無所觀見寂然諸所見現諸顛倒一切平等謂得果跡皆音聲耳彼無所得亦無不得不受不捨佛語龍王是所先說諸法之御所得不可稱說至於聲聞獲聲聞乘至於緣覺獲緣覺乘菩薩連得不起法忍成於如來無上正真道為寂正覺斯謂佛言是所言者隨習俗教皆是佛法教於真諦佛道無文佛言無言佛教無跡佛教無想佛教無數佛教無化佛教无正佛教無名佛教無思佛無心意識亦無所念是謂佛教而不可說亦無言教不可指現佛語龍

王如是比教乃為佛言如來不以文義說法無文字教而為說法是故無文則為佛教佛所說法不有所遠滅一切得佛所說法是故無得為佛所言佛所說經曾無言教寂滅言教以故言曰無教佛言說法無取法無荷法無放逸法不想法無起法無壞法無究竟法無所得法無所忘法無所念法無所行法無分別法无有想法無所至法無所推法佛語龍王如來為人說法未曾有行有所證也吾之所言一切本淨法無形色是故龍王諸法無像名佛言又復何謂名為佛言解一切音無所不達故曰佛言緊去來今無所罣碍故曰佛言覺了衆言故曰佛言報答諸問故曰佛言一切所說因緣有言無所不博故曰佛言覺諸所說如呼聲響故曰佛言無字無說故曰佛言諸所說亦皆佛言所以者何是諸文字去來今佛所說今佛所說者已說之者當來說者以是之故一切文字諸所言教皆名佛言入如此比曉了衆慧是謂菩薩分

海龍王經第一卷 第三十五段 改

別道義故曰文字言說皆名佛言不壞法界志一味慧是謂菩薩分別經本故曰文字言說皆名佛言其有如應順于法慧是謂菩薩分別順寂故曰文字言說皆名佛言其有說慧無處無著是謂菩薩分別曉了是故龍王一切諸法莫不歸此分別四義菩薩解四義者文字言說諸所歸趣身有所在莫不誘進皆入佛教是故無著本無所住於百千劫有所言說無能制者所以者何是名曰無盡之藏惣持門也假使菩薩逮斯持者說無盡句善順於教棄去來現如應無荷莊嚴百千真妙之句忍於本淨時護不亂尊卑之義曉了平等光曜所有塵勞瞋恚入一切行而順解脫八万四千諸根尋如所應善講本性而為說法不盡八難音聲諸法亦無有盡及辟喻慧三世無盡及報應果願可盡耶經典順普可盡耶心之所入可盡耶因緣愚跡可盡耶順在愛欲可盡耶發于所持可盡耶說乘所處可盡耶分別法處可盡耶深妙難句可

海龍王經第一卷 第三十六段 改

盡耶至於究竟可盡耶逆順之言可盡耶名字之訓可盡耶歎佛法衆可盡耶說正諦可盡耶佛法品可盡耶罪福所應可盡耶諸度無極可盡耶佛語龍王是名曰所說無盡故号無盡法藏為惣持門也

佛說海龍王經卷第一

辛丑歲高麗國大藏都監奉

勅雕造

海龍王經第一卷 第三十五段 改

佛說海龍王經卷第二

改

惣持品第五

西晉月氏國三藏竺法護譯

佛告龍王有四事法無盡之教無盡之藏為惣持也何等四分別元盡慧無盡明智無盡惣持辯才無盡是為四復有四事難攝無盡之藏為惣持也何等四其性難攝道心難攝入法難攝入衆生行難攝是為四復有四堅固要無盡之藏為惣持也何等四所願堅固奉行堅固立忍堅固度於因緣所造堅固是為四復有四所說無盡之藏為惣持也何等四講諸至誠講諸緣起講衆生行講諸乘本無慧是為四復有四光元盡之藏為惣持也何等四照于法界照于智慧照于慧明照于如應之所說法是為四復有四上曜無盡之藏為惣持也何等四精進為上禁戒修行勤力為上求積功德為上合集求慧為上是為四復有四無窮無盡之藏為惣持也何等四求諸度無極而無窮極不厭生死而無

窮極開化度人而無窮極求諸通慧而無窮極是為四復有四無厭無盡之藏為惣持也何等四佛前聽經而無厭足為人說經而無厭足求諸德本而無厭足供養如來而無厭足是為四復有四無能勝者無盡之藏為惣持也何等四一切塵勞亦無能勝一切諸魔亦不能勝諸外異道亦不能勝一切怨敵亦不能勝是為四復有四無習無盡之藏為惣持也何等四不習聲聞緣覺之乘不習一切供養之利不習一切諸所著求不習一切諸凡夫行是為四復有四無得無盡之藏為惣持也何等四不得所生不得開化惡戒之人不得說經在於有為為上大乘不得乞求是為四復有四力無盡之藏為惣持何等四忍力忍於一切所作衆惡慧力蠲除一切衆生疑結神通力見一切衆生心之所念善權力為一切人如應說法是為四復有四藏無盡之藏為惣持何等四不自侵欺而斷三寶是則大藏入於元量之法是則大藏得一

海龍王經卷第二 第五

切心隨其所志是則大藏慧等如空是則大藏是為四復有四無極無盡之藏為惣持何等四博聞無極智慧無極所願無極順衆生說法無極是為四菩薩復有四事不自侵至無盡之藏為惣持何等四說法不自侵說至誠不自侵順法行不自侵得至道極不自侵是謂四復有四事得無所畏無盡之藏為惣持何等四不畏惡趣不畏衆會不畏決疑不畏失佛道是為四無盡之藏為惣持也

佛告龍王是無盡藏惣持說德無量入無極慧集菩薩行所可由慧光曜莊嚴菩薩所求菩薩財寶所入法藏入惣持門分別言教嚴身口意得淨諸國合集自在護念正道入衆生數慧化導正法力精進具諸度無極嚴淨道場逮諸佛法是謂無盡之藏惣持其有文名字号之數及法諸數遊于正法皆來歸斯無盡之藏為惣持也菩薩入斯於諸文字無所分別諸法清白不壞本淨故樂一切法不侵宗法故究竟諸法所志諸法亦無侵

海龍王經卷第二 第五

欺故一切眼法不侵諸法明故諸法假
号不侵會法故以逮諸法不侵行
精進故諸法調定於系順法無所侵
故諸法說之無侵光曜焚燒諸法於
無起法而無侵故信一切法於所好
法亦無侵故說一切法於諸言教無
所侵故諸法本無於無趣法而無侵
故諸法審諦等三世法亦無侵故諸
法常住於不動法亦不侵故諸法有
哀隨本所樂而為現法故諸法念等
說無差特故諸法求跡示現諸法至
平等故諸法所至亦現入深道門故
諸法至力現諸上法故諸法愚冥為
現智明故懷來諸法示現諸法無所
亡失故惣持諸法示現諸法為无盡
故諸法寂然現憐怕故諸法虛空而
為示現廣普之法故諸法無明現癡
本故諸法恣住現所立慶故諸法入慧
現離癡法故諸法人也而為示現分
別諸法故諸法離有而為示現離所
有法故諸法有難而為示現諸法瑕
穢故諸法常念而為示現宿命事故
諸法有緣示現諸法而有侵故諸法

海龍王經卷第二 第四品

入志而為示現寂諸乱故諸法極重
而為示現無所動法故諸法住處而
為示現眾法界慶故諸法導師而為
示現審諦之法故諸法致果而為示
現志無所念故諸法唯陰而為示現
獨除五陰諸法苦患故諸法生死示
現諸法無塵故諸法寂空示現諸
法無所倚故諸法如固示現諸法
斷眾固故諸法寂滅示現諸法斷
因緣故佛語龍王是名曰文字緣
會無盡藏惣持菩薩得是分別一
切文字所興譬如文字而不可盡諸
法所說不可盡亦復如是譬如文字
亦不從身出不從心出諸法如是不
可知處不住在身不住在心譬如文字
無所依倚而求解說塵勞之事亦無所
淨菩薩已得無盡藏惣持雖說塵勞
不著塵垢究竟本淨譬如文字不合
在身然為他人有所解說諸法如是
有所發起教心清淨如文字有所說
時無所至湊無所言時不處在內諸
法如是假使說時無所至到設不說
時不積在內如文字無色無見而現

海龍王經卷第二 第五品

在外諸色如是无色無見由心因緣
而有退轉如文字虛自在寂實志以悅
惚無作字者諸法如是虛靜寂實莫
有造作如文字不出涕汗瞋恚愚癡
又因文字而有音教諸法如是不出
涕汗貪瞋之惑由從想念起煙怒癡
如文字因諸貪緣說得果證文字無
得亦無有證諸法如是因其緣對說
有果證計於本法無果無證譬如諸
法無不因字諸行如是所有諸法皆
由佛道

惣持身品第六

佛語龍王菩薩已住無盡藏而以文
字求於佛道惣持文字力也歸趣文
字身也滅盡像色也入法門頂也觀
瞻願也慧眼也天耳耳也說名字
鼻也制乱意眉間關庭也攝一切心
面也解喻一切可眾生心舌根也調
定其心齒也師子觀奮迅驤也藏匿
空語脣也觀一切法咽也勉出眾生
令其歡悅肩也端正所謂腭也察諸法
等腹也入於深門臍也入左右路掌
也合會諸法腭也十善之句為善救

海龍王經卷第二 第六品

護指也清淨法銅爪也來致虛無之念
 脅也次第講法者也說不侵時無所
 為度尻也具足寂觀體也趣審諦法
 膝也曉知一切端也心意寂然足跌
 也遊到十方足心也次第說諦步也
 知著慙耻衣也法身莊嚴傳飾也法
 華若干卧具也說種種法抗也不瞋
 不諍塗香也所行如應無所不了雜
 香也入深戒說香也於諸法自在眷
 屬也鑒歎梵跡則親友也得安隱眾
 知識也斷諸結縛開化眾人則親暱
 也曉了諸事家室也其心清淨母也
 一切巧便無所依信慧父也諸通慧
 心從等也施度無極漿食也戒度無
 極泰安也忍度無極莊嚴也精進度
 無極作善剋辦也一心度元極飽
 滿也智度無極隨時順也善權度無
 極二句合義也道品身支黨也講說
 至誠未曾侵欺一切世間尊豪自由
 於法自恣佛語龍王是為無盡之藏
 惣持無色像身也其有菩薩於是惣持
 樂法之樂譬如國王在於中宮如天
 帝釋在須弥頂威神巍巍如梵天尊

海龍王經卷第八

蒙自在如燕居阿須輪難可制持如
 海元邊功德超殊如寶大山天所娛
 樂如父母獨有一子受重無極如月
 盛滿眾星獨明莫不稽首如世尊為
 天世人奮大光明如日初出光曜示
 和如孔雀在林樹間放妙音聲如師
 子在巖窟中服美飲食如龍心意調
 和以時澍雨如轉輪王大法化國如
 眾龍舞動發雷電如龍王已得自在
 降大法雨如天帝釋撫化一切諸外
 異道如勇猛將摧伏嚴敵除諸勞垢
 降納眾魔如水消火如風靡草心計
 如地開化明者順化眾生如火焚草
 皆忍苦樂如乳母養長者子療治眾
 病持心堅強具眾人願如意珠王惣
 持諸寶佛語龍王其有菩薩住元盡
 之藏惣持門者則可謂入佛之道場如
 大海合受眾寶諸珍苑府無盡之藏
 惣持如是包引諸法道寶無盡藏如無
 數香燄今元量人恣意所欲菩薩已
 住無盡之藏惣持門者以真妙言開
 化一切令各得所是惣持者入一切
 聲此土名道心者彼無盡世界佛一

海龍王經卷第八

寶蓋如來國曰目前此名諸通慧者
 彼超得度世界導龍如來佛國曰普
 達此名施度無極者彼寂定世界吉
 祥如來佛國曰精氣此名戒度無極
 者彼無憂世界離憂如來佛國曰多
 安此名忍度無極者彼無垢世界離
 垢如來佛國曰無盡句此名進度無
 極者彼普明世界無垢光如來佛國
 曰上度此名專度無極者彼道御世
 界堅要如來佛國曰寂行此名智度
 無極者彼陰雨世界雨王如來佛國
 曰清淨此名善權方便者彼尊調世
 界離垢辟如來佛國曰隨習俗宜此
 名慈哀喜護者彼豐盛世界吉祥義
 如來佛國曰憐傷仁攝彼我二寂此名
 苦習盡道者彼無悅世界首寂如來
 佛國曰本原由根根盡歸本此名四
 意止者他方世界曰無止此名四意
 斷者彼曰上勝此名神足者彼曰超
 步此名五根者彼曰悅原此名五力
 彼曰堅強此名覺意彼曰無冥此名
 八由彼曰所度此名分別彼曰目見
 此名護仰彼曰隨順此名法施彼曰

海龍王經卷第八

善攝此名寂觀彼曰定察此名脫門
彼曰離癡此名功德彼曰嚴辦此名智
慧彼曰了便此名棄家彼曰修行此
名具戒彼曰無犯此名安隱無為彼
曰寂滅度此名曰歎佛无量彼曰佛
日佛眼放光佛語龍王計諸佛國音
聲言訓若干種教菩薩若達无盡之
藏皆知一切諸佛之士所說音聲文
字所誨佛以一劫若過一劫讚歎有
為言說章句之教十方所出不能究竟
諸佛國土音聲義也佛說是无盡之
藏惣持門時六万菩薩皆得惣持八
千菩薩得不起法忍三万二千人皆
發無上正真道意

惣持門品第七

尔時佛告龍王菩薩以是離諸幽冥
之路趣諸通慧往古不可計無央數劫
不可思議彼時有佛号曰梵首天王如
來至真等正覺明行成爲善逝世間
解無上士道法御天人師号佛世尊
世界曰集異德劫名淨除彼時集異
德世界豐盛安隱五穀自然快樂無
極天人繁熾如我此土百億四域合

佛說海龍王經 第十卷 第十品

爲一佛國則爲彼土一大四域如是
之比百億須弥山此梵首天王如來
集異德世界廣大無邊乃如茲乎其
世界如金剛光明摩尼之寶自然常
普大明以寶交絡周匝覆蓋懸繒幢
幡百千伎樂於虛空中不鼓自鳴其
伎樂音普聞佛土彼伎樂音不出姪
怒癡欲之音聲也唯演寂然憍怕法
樂歡喜之音諸天人民聞樂音者則
運一心寂定安隱晏然不爲塵勞之所
危害也其土平等如柔軟衣無有惡
趣音聲誨也天人清淨皆解微妙志
于大乘少求聲聞緣覺之乘心有所
念衣食室宇所欲隨意自然至天
人一等無有窮厄匱乏者也衣服飲食
如兜術天上其國所有等無差特其
如來壽命滿六十七万二千歲其
土人民壽亦復如是無中夭者佛土
菩薩七十二那由他聲聞甚少尔時有
轉輪聖王号無盡福主十六四天下
其無盡福王有八十四那由他夫人如天
玉女有四太后一名離垢二曰無垢
光三曰清淨四曰淨妙子有八万四

佛說海龍王經 第十卷 第十品

千皆大猛勇身相有八端正殊好皆
志大乘彼時无盡福王處於大城名
曰具樂其城東西長二千四百四十
里南北亦尔梵首天王如來興於彼
國無盡福王建立精舍殖大林樹名
上香光園佛所遊止城之中央造王
宮殿七寶合成城中有八万四千街巷
八万四千欄楯二街巷有八万四
千家居其大城辟七重七重欄楯七
重行樹七重交路繞城有万遊觀園
其塹七重滿八味水生青蓮紅蓮黃
蓮白蓮皆有美香鴛鴦鳬鴈相隨
而鳴其城如是名等无量不可思議王
供養佛奉進所安眾事具足無所乏
少於百千歲不可殫限率其中宮子
孫親族友黨眷屬國中人民往詣上
香光叢林見梵首天王如來稽首佛
足退住一面佛告王曰有四事爲大
國王君子聖主猶得自在與眾不同
增益善法何等爲四立於篤信數詣
賢聖樂欣請益求德慕義以法自娛
常觀無常苦空非身之法觀世所有
有爲之微皆歸離別自攝其心入無

佛說海龍王經 第十卷 第十品

放逸覺察欲樂無所饒羨不以毀斷宿世福德不廢道心務志妙慧是為四事大國聖主猶得自在與眾不同無盡福王白世尊曰菩薩有幾法而得自在佛告王曰菩薩有八法而得自在何謂為八得五神通以自娛樂未曾有退無所畏尋并除瞋恨而無害心具暢聖慧攝于道明所作已辦現得歡達誠信神足拔諸所有以智慧聖捨離一切邪見塵垢得四解明佛所建立無著不住具足力慶逮于無盡福海印三昧能悅眾生攝御一切諸佛之教以成愍持其心清淨所聞不忘應如所欲而為說法入一義味住於本際不計吾我不起法忍是為八事菩薩而得自在佛告王曰又有愍持名曰寶事菩薩遠得此愍持者於法自在時佛為王說寶事愍持之慧滿百千歲普分別義王捨國事一切眾緣專精一心及與眷屬聽受道化於百千歲未曾想欲無瞋恨意不合想害不願妻子國土眷屬一切所有永不以計唯願法樂立志佛道

大慈清淨等心一切而行大哀救大德鎧而聽受法如是之比具百千歲受佛誨已因此寶事愍持之要所作則辦越七百萬劫終始之惠積十萬劫除諸罪殃見億百千佛從受德奉於恒沙等作天帝釋若為梵天轉輪聖王積功累德以清淨心志御諸法用心不乱聞百千佛受法不忘時王諸子皆志逮得柔順法忍中宮婁女八萬四千普發道意為菩薩學八萬四千人逮得法忍九十那術諸天人民皆發無上正真道意三十六那術學聲聞乘得法眼淨六千比丘漏盡意解無盡福王棄國捐王不慕天上世間諸樂唯志無上正真之道因家之信出家為道而作沙門諸子亦然皆作沙門時國人見王棄國六萬人志為沙門中宮婁女四大夫人亦為沙門佛教清淨普蒙安隱殖諸德本眾行具足佛言龍王今時無盡福王轉輪聖帝非是餘人則余身是也余時轉輪聖王諸子今此會中諸菩薩大士是也時彼梵首天王如來為王無

盡福所說寶事愍持則今佛所說無盡藏愍持是佛語龍王今如來以無著慧觀察人本而為說法從無央數百千億那術諸佛聞無盡藏愍持以此數聞之故今乃如斯志念強勇獨步無尋辯才難及志懷智慧若有菩薩聞是無盡愍持之名其有說者皆當逮得無著辯才所以者何由是愍持後當來世是離垢愍持所流布慶皆是如來之所建立八萬四千法藏是愍持門為首面也八萬四千行皆來歸於愍持八萬四千三昧皆從愍持八萬四千愍持無盡之藏愍持為本原佛語龍王假使菩薩無住無著於四解義則降大法雨皆來依倚此無盡之藏此無盡之藏愍持所入正句次第順章諸天龍神香音神無善神鳳凰神甜柔神皆共營護

緣應意 隨順意 欣樂跡
直意 越度 無盡句
次第 曜面 光目
光英 志造 淨意
行步入 勇力 濟冥

所持	為上	寂門
入寂	滅塵	離居
居善	隨順	離次
無所至	所住	無所住
至處	無至處	要御
速慧	智根	轉本根
月光	日轉焰	光善離垢
無垢	淨諸垢	覺所建立
諸天祐	護諸魅	告乘
梵知化	釋冷嗟	四天護
衆聖受	仙人婦	諸姓修行
解牢獄縛	天人所攝	捨諸塵勞
破壞衆魔	降伏外道	攝欲明智
開化自大	不犯法師	不亂衆會
悅可樂法	護於法音	不斷三寶
慈愍衆生	讚慕德義	六十二事

佛告龍王是諸法句為護無盡之藏
惣持其有法師受是章句六十二事
若誦誦者得三十二無所畏何謂三
十二博聞無畏咨嗟他人處處無畏
言無缺短如應無畏棄捐鄭重而元
所畏隨音所入辯才無畏無所望尋
其心無畏奉受道心其志無畏歡悅

海龍王經第二卷 第十六張 收

衆人行步無畏速次狐疑覺意無畏
觀察衆人無閑無畏言行相應無缺
無畏戒禁清淨心面無畏忍辱清淨
堅強無畏於審諦願而不轉還所處
無畏心不謀亂辯慧無畏能悅衆會
智慧無畏知深妙法降化无畏離於
調戲師子无畏伏諸外道無受無畏
無衣食悅無瑕无畏降伏衆賊令住
正見無怨無畏智者不毀導御無畏
不亂衆經說等无畏隨時而教無諂
無畏言行相應離慢無畏見一切人
謙順无畏無盡句本行修善發遣所
問無畏開化一切无量法教隨衆無
畏已身淨故降魔無畏除諸塵勞大
慈無畏心不懷害大哀無畏將護衆
生智慧無畏以法治國

佛語龍王菩薩聞是无盡之藏惣持
歡喜信便得三十二無畏假使不斷
是三十二無畏稍稍漸成如來四無
所畏佛之所有無所畏諸天人前為
師子吼恣聽一切所可欲問都無有
人能來窮極如來之智亦不敢斷佛
所說是故菩薩欲致是無所畏者當

海龍王經第二卷 第十七張 收

學行無盡藏惣持何所是惣持所學
行無眼行無色行無眼色識行无耳
行无聲行無耳聲識行無鼻行無香
行無鼻香識行无舌行無味行無舌
味識行無身行無細滑行无身細滑
識行无心行無法行無心法識行無
色行無色生行无色滅行無色處
行无痛想行識行無識生行無識
滅行無識處行一切无行是應惣
持行復次龍王其行色空心不空色
是應惣持行痛想行識其行識空心
不空識是應惣持行復次其無想色
行不念無想行是應惣持行痛想行
識亦復如是其無想識行不念無想
識行是應惣持行復次其不斷色行
於色行無行不色生行不色起行不
色寂行色如諦行色如本淨行亦不
念色如諦本淨行是應惣持行痛想
行識亦復如是其不斷識行於識行
無行不識生行不識起行不識寂行
識如諦行識如本淨行亦不念識如
諦本淨行是應惣持行復次於種由
法界行不想法界行不想法界諸入本

海龍王經第二卷 第十八張 收

淨空行不想本淨空是應惣持行若一切法緣起之行不想緣起是應惣持行不著諸法行不著行是應惣持行諸法如本無行不壞諸法本無之行若於諸法住本際行不念本際住諸法行是應惣持行復次其知貪欲行不於法界想貪欲行是應惣持行其知瞋恚行不於法界想瞋恚行是應惣持行其知愚癡行不於法界想愚癡行是應惣持行其等分行不於等分行於法界有所壞行若於八万四千諸所修行入于法界無若干行是應惣持行若行若合行於行合行而無所行亦無不行所以者何其行無量亦无所度亦無所想是故彼行為平等行於平等行亦無所毀亦不有為亦不無為亦不受亦無不受無處无住故曰平等行菩薩行如是則得无盡藏惣持之門也於是世尊則說頌曰其人心意則清淨 普入經卷度無極 悲解衆人之音聲 得惣持時乃如是 觀知群萌心所行 善惡所念及中間 分別本性所造興 則為說法隨所應

志了因緣之報應 令不觀常及无常 皆以棄捐墮邊際 分別惣持隨順化 明解文字之方便 知無央數之音響 曉了義理微妙好 得惣持者乃如是 逮得天眼無垢汙 天耳清淨亦如是 无量智慧知衆行 念億千劫去來事 獲四神足亦如是 至无量國須臾頃 供無數億諸導師 聞所講法則惣持 不能觀知境界行 清淨之人無塵埃 講說經法无数千 辟如蓮華無著水 不持世法亦如是 常以解脫諸有無 等心一切如虛空 持寂色相而勇猛 衆人觀仰無厭足 進止安詳行无歎 照傷群萌故遊世 天帝釋梵及護世 皆以恭敬稽首礼 其心不以憍慢說 得惣持時亦如是 口言柔軟如梵音 為衆人說可其心 溫潤深利言得時 所可教化無所覆 在於衆中無所畏 為師子吼妙无難 降伏一切衆廣人 得淨惣持為如是 其說語人難調化 興于憍傲而自大 聞彼聖明所說法 即棄貢高稽首礼 入於本淨寂法界 以達義解諸法

以故所說無窮已 分別文字知法律 人之本性法界淨 曉衆生淨亦如是 解知本無人本無 所說經法无罣碍 所盡无盡不可知 无盡之事無能盡 覺了知是趣寂實 則說無住德經卷 斯諸文字不履身 亦不在意不住心 文字本性空寂實 辟如山中呼聲響 計惣持者不著字 無音无言無說聲 以知文字所趣然 假使所說无罣碍 無意無想亦無心 設有說無所念 又復解知去法慧 講順說經隨所應 以入分別四句義 曉了義理明識法 究暢音聲順所聽 故講無著不可量 玩習本原承其慧 故說深要若干法 所解之慧了逆順 有趣頂法度無極 方便所有諸怯弱 以用救攝諸率暴 明識所作為解說 得惣持者乃如是 其身口意皆已寂 分別諸慧不著古 所言無狀除瞋恨 得住惣持為勇猛 其所惣持心執御 意之所入住法慧 其有聞者未曾忘 順如聽采等經典 其惣持義法不乱 計法行之無所入 以法等故曰平等 如應平等順清淨

分別名品第八

佛說此章句偈時海龍王眷屬萬三千龍皆發無上正真道意則更啓曰廣宣此言唯然世尊我等亦當逮是無盡之藏惣持也當為一切衆生之類廣說經法亦時賢者舍利弗白佛言至未曾有世尊乃令諸龍發無上正真道意人反不能發大道也佛告舍利弗是萬三千龍迦葉佛時皆作沙門從迦葉如來一反聞菩薩行同時歡喜讚曰善哉善哉說大乘事不可思議與族黨知友俱行分衛貪利不慎不護禁戒以是之故壽終之後墮於龍中彼時從迦葉佛聞大乘教讚迦葉佛因由報應德本之緣今聞吾說咨嗟大乘講無盡藏惣持皆發無上正真道意舍利弗觀是至心之奇特今吾授決恒沙等劫供養諸佛積累道品自致得成無上正真道号曰慧上智上法上梵上得成佛時以是四事号世界曰無垢藏劫名大欣皆同一劫得成無上正真道最正覺猶如賢劫當興千佛

海龍王經卷第二 第三 頌

授決品第九

於是海龍王白佛言我從初劫住止大海從拘樓秦如來興於世來大海之中諸龍妻子眷屬甚小今海龍衆妻子眷屬繁衆如多設欲計校不可窮盡唯然世尊如此云何有何變恠佛告龍王其於佛法出家奉律行戒不具現戒成就逮戒犯行不捨直見不墮地獄如斯之類壽終已後皆生龍中佛語龍王拘樓秦佛時九十八億居家出家逮其禁戒皆生龍中拘鄰舍牟尼佛時八十億居家出家毀戒恣心壽終之後皆生龍中迦葉佛時六十四億居家出家犯戒壽終之後皆生龍中於我世中九百九十億居家出家若干闍諍習若干行誹謗經戒壽終之後皆生龍中今有生者佛語龍王以是之故仁在大海中諸龍妻子眷屬不可稱計我般泥洹後多有惡比丘惡優婆塞違失禁戒當生龍中或墮地獄海龍王白佛言於今棄家為道犯戒比丘墮龍中者有何殊特佛言棄家學行於今犯戒比丘墮龍中者

海龍王經卷第二 第三 頌

行於方便不能清淨又有至心信於佛法以至心力龍中壽終生天上人間當見賢劫所興諸佛皆當見之假使不以解脫者恣於拔施劫中般泥洹除志大乘者龍王且觀佛教廣大因緣出家之奇特棄諸惡法得超異類今時有龍王子号曰威首前白佛言至未曾有世尊龍近如來難值難聞雖有所毀作衆罪殃發一善意心念佛法終不失德緣是之行至得滅度今我願發無上正真道意用佛世尊難值難聞今菩薩行無有違缺至于道場莫使心中忘失德本大慈大哀大喜大護所生之屬常見諸佛得聞經法供養衆僧開化衆生今時世尊告威首龍王子曰善哉善哉仁者之問乃發救護一切之心今汝至心興無極哀而起道意緣彼德本如來嗟歎七日七月若至一年為功德福而不可盡所植善行乃如是也佛見威首龍王子心之所念即時欣笑諸佛笑法無央數色色各異光從口出照不可計諸佛世界遶身三匝還從頂

海龍王經卷第二 第三 頌

入今時賢者阿難以偈讚佛

百福功德莊嚴身

體諸相好三十二

清淨無垢如月光

今之所笑何感欣

靜元塵埃離三垢

如百葉華行無悵

天人龍神所奉敬

安住今者何因笑

善哉平等齒普淨

十力威曜面香潔

以除生死之根原

今者世尊笑何感

心如虛空無瑕穢

意等善友及怨家

持志如地無憎愛

唯願世尊笑何欣

音聲所講喻梵天

猶雷哀響微妙響

所說柔軟莫不歡

唯願世尊歡因緣

心於聖慧無所著

知三世人意所行

解衆人根得喜悅

導師今笑為何感

以為成醫王療治衆生病

能施究竟安

世尊笑何緣護德為我說

諸天人民聞

皆當懷喜踊即志諸通慧

佛告賢者阿難寧見威首龍王子住

於佛前至喜發無上正真道意不阿難

對曰唯然已見佛言是威首龍王子

過八百不可計會無央數劫當得作

佛号慧見如來至真等正覺世界名

淨住劫日明察是龍王子至誠奉行

菩薩之道見无央數諸如來供養奉

事常修梵行開化度脫无量衆生使

立三乘慧見如來淨住世界豐熟安

隱五穀平賤快樂難量天人充滿猶

如炎天被服飲食其佛當壽百万歲

賢聖衆僧聲聞有六十億菩薩百二

十萬億慧見如來其有觀者皆得慈行

三昧慧見如來說經聲聞行者若始見

佛則得道跡無見得往來三見得不

還四見得無所著善菩薩乘者過觀慧

見如來得柔順忍再見獲神通三見

得慈持辯才四見得不起法忍淨住

世界無毀戒者意淨無邪皆住正見

壽終之後無有惡趣志生天上清淨

佛土時威首龍王子聞佛授決歡喜

踊躍善心生焉奉百千珠璣用散佛

上而又十拍以偈讚曰

人尊無垢如月光威神無量衆所奉

其力無限慈持世願稽首礼无邊慧

慈哀之聖不可限歡智無瑕不可議

禁戒廣普住正定稽首人尊如虛空

无量無限億劫數所行究竟無不入

以故曉知諸衆生心性所歸諸根本

若人觀觀尊顏容一心察之無歇足

不為塵埃之所惑受欲之穢皆滅盡

哀鸞拘夷諸鬼神梵天之音亦如是

聲聞十方甚微妙如來之音超於彼

僻若如日墜於地海水當竭須弥壞

虛空尚裂地反覆世尊所說終無異

世尊至誠以諦說授我之別大聖慧

吾無狐疑結網除得佛自在為衆祐

十方无量億万國滿中珍寶供導師

假使有人發道心前所植德不及此

供養正覺德第一若人志發尊佛道

則為報恩諸十力用不斷此導師命

龍王子說此偈讚佛已十千人皆發

无上正真道意志說是言慧見如來

逮得寂正覺時吾等同心共生淨住

世界奉彼如來正法之教又供養之

佛滅度後次補其處得寂正覺佛皆

授決志當令生淨住世界

佛說海龍王經卷第二

辛丑歲高麗國大藏都監奉

勅雕造

海龍王經卷第二 第二十六卷

佛說海龍王經卷第三

改

西晉月氏國三藏竺法護譯

請佛品第十

尔時海龍王白世尊曰唯佛加哀諸天龍神及無量人今致安隱至于大海詣我宮中屈神小食所以者何大海之中有龍鬼神香音神及餘元數衆生之類見如來已皆殖德本志當往會因聞法音除斷無底生死之源吾等龍宮并蒙其恩天上世間緣得度脫如來普現佛大道心令我等身近道品法佛愍龍王默受其請及無量人志當廣殖衆德之本時海龍王見佛就請歡喜踊躍稽首佛足右繞三匝與眷屬俱忽然不現還在大海聚會龍民而告之曰吾明日請佛佛垂矜許汝等同心當俱供養海龍王又告無居無善神誑惑縛難垢錦等曰諸仁當知如來降神當詣此海乎宜用身故率諸眷屬來集吾宮獻饌世尊又勅龍王名曰主度王歎無量王難垢王焰光王戲樂王清淨王妙

曜意王現諸難王及餘龍王百千之衆志當來會至吾宮裏奉觀如來又勅龍子威首曰仁者致敬宣吾命於無焚龍王命諸海宮供養如來至真等正覺即時受教又勅龍王子強威詣安明山頂請歡喜龍王迦歡喜龍王及天帝釋使諸仁者令詣大海集吾宮內供養如來時強威即時受教宣令如是時海龍王化作大殿以紺琉璃紫磨黃金而雜校成則建幢幡造金交露寶珠瓔珞七寶為欄楯而極廣大若干種香而以熏之散衆色華紛紛如雪於大殿上化立師子之座高四百八十里皆以衆寶而合成數無數百千天繒以為統綆諸菩薩及比丘衆所坐師子座各各嚴麗階級殊別鑲具兼重若干種味寂然飲食供設以具尔時龍王明旦修敬住安明山十二之坎典眷屬俱遙詣世尊以偈頌曰

海龍王經卷第三 第三品 改

柔軟聲和仁響當如哀膏為衆現甘露除若干塵冥為衆取上醫人中寶願未今正是其時心調柔寂冥志軟常安和自度濟衆生願救諸人民開化衆黎庶使越彼四潰造安度彼岸惟屈今是時調仁樂布施學道戒清淨忍辱力取上已獲大精進滅除憊脫門智慧普元量言諶如月明在聖時已到智跡方別路邪徑永已斷七覺意根力化現以四諦平等四意止四神足意定惣得普通達時到宜屈神三十二相明美妙百功德為存德義者亦現大福田尊稱為衆祐如春萌滋茂唯愍傷加慈大哀自屈神志如須弥山心等譬如地除憂及瞋冥所說如演空人尊不自卑未曾有貢高歸於空脫門屈神今正時知義尋分別曉了隨順要究暢解經法心行常如斯顯進人本性觀察諸慧義稽首敬勝足時到屈神臨

海龍王經卷第三 第三品 改

虛空身放大光明而雨天華百千伎樂相和而鳴集于海邊至欣樂園有思夷華名曰意樂佛住止彼時海龍王往詣佛所稽首佛足陳敬已畢却住一面龍王自念吾欲化作寶階從海邊至海底令佛及比丘眾及諸菩薩由是下海至我宮中如昔世尊化作寶階從初利天至閻浮利適設此念便從海邊化作三寶階金銀琉璃下至其宮甚微妙好於是世尊以威神力化大海水令不復現使海生類不以為患佛身放光照于大海普至三千大千世界其海居類身蒙此光皆懷慈愍承仁之心不相號害相親如父如母如兄如弟如子無異於時欲行天人色行天人侍從世尊欲聽道化猶欲觀龍王在嚴宮殿時佛與諸菩薩及大聲聞諸天龍神香音神無善神鳳凰山神甜柔神釋梵口天王徒欣樂園思夷華樹欲詣龍宮佛昇寶階涉於中階諸菩薩眾住于右階諸大聲聞住在左階時六十億釋而在前導六十億梵天皆在虛空

海龍王經卷第二 第三十

各執寶蓋六十億天皆在佛後而雨天華六十億諸欲天人作諸伎樂而供養佛六十億魔眾皆於佛前香汁灑地六十億龍后在虛空中各現半身手執珠璣垂散佛上六十億山神皆鼓伎樂歌佛功德六十億香音神手執華蓋以用奉佛六十億无善神各持若干百千種衣以覆佛上無焚龍王與億百千眷屬在於虛空皆以華香雜香搗香作眾伎樂莊嚴諸龍及諸天華以供養佛如是比類六萬龍王皆供養佛欲見世尊勸海龍王安樂世界无量壽如來佛土菩薩号光世音大勢至大士與無央數億諸菩薩俱為佛世尊亦現在嚴諸所有供養皆令前所嚴供隱蔽不現無能知者焰氣世界難逮如來佛土菩薩号法英法道大士妙樂世界無怒如來佛土菩薩号香首眾香首大士照明世界月辯如來佛土菩薩号師子師子音大士不瞋世界善目如來佛土菩薩号導御諸法自在大士光曜世界普世如來佛土菩薩号寶場寶焰大士

海龍王經卷第二 第三十

樂御世界寶首如來佛土菩薩号慧步慧見大士光察世界普觀如來佛土菩薩号雨王法王大士愛見世界尊自在王如來佛土菩薩号退魔后魔王大士取要言之如是十方各各無央數億諸菩薩皆來勸樂海中龍王欲見如來供養奉事於是世尊以大道力諸佛威感動威德所監以佛威勸化無戲供養諸佛放大光明徹照十方无量世界以佛洪音大師子吼而講言化諸天百千皆作音樂而雨天華滅諸惡趣施於一切安隱之具有三昧名曰立於大哀歡悅群萌以佛三昧正受已所作莊嚴光飾大海不可思議佛從寶階降神海宮自然音樂普聞十方无量世界佛之威神如來所感皆見能仁如來下于大海彼時億百千玉女魔妻無善神鳳凰山神甜柔神群神婦女皆以伎樂而行迎佛調諸音樂而歌頌佛德施上戒清淨忍力慈心尊精進勤御義禮樂禪脫門心淨光慧智嚴明奮威神現在示解脫故來除垢塵施以甘露安

海龍王經卷第二 第三十

道御聲衆機 无盡德如空 慧海願降海
所說具足要 謙歎度無極 施眼明清淨
一切人中上 歎頌深義句 愍人光無倫
等祠所宜普 降伏諸異道 施以法无怪
誦經淨志塵 讚歎實慧光 道財敷演珍
見諦莫不受 正觀斷結著 不動如山根
願稽首導師 諸天金翅鳥 須倫真陀羅
迦留鳩桓師 願稽首足下 尊相三十二
無比妙善現 體系紫金色 小足下安平
妙響如哀響 其聲踰梵天 大音超三千
稽首柔軟音 根調心寂寞 猶如月電光
言誠常平等 願稽首樂法 已度老病苦
救一切令脫 得勝伏衆魔 滅除生現盡
无著獨塵勞 為諸天所敬 歸尊普救護
導師開化衆

十德六度品第十一

於是王女及諸龍后無善神鳳凰神
山神甜柔神后共讚佛已一切同等
皆發無上正真道意脫身璽珞用散
佛上佛與衆俱降于大海到其海城
詣海龍王莊嚴大殿坐師子座時諸
菩薩及比丘衆各各次坐其座於時
海龍王與中宮眷屬俱見佛坐已手

海龍王經卷第三 第十品

自斟酌寂然飲食無失數味供養佛
及比丘僧飲食畢訖行澡水竟坐佛
前聽經及諸天龍神香音神無善神
鳳凰神山神甜柔神釋梵四天王及十
方諸來會菩薩於是佛見衆會坐定從
身放光光名善度脫法柔和忠照大
海諸居之類上中下品普自見佛歡
喜踊躍願樂聞法各以恭敬還稽首
佛亦時世尊告海龍王荷世間者作
若干緣心行不同罪福各異以是之
故所生殊別龍王且觀衆會及大海
若干種類形貌不同是諸形貌皆心
所畫又心無色而不可見一切諸法
誑詐如是因成與相都無有主隨其所
作各各自受譬如畫師本無造像諸
法如是而不可議自然如幻化相皆
心所作明者見諸法因成與相則當
奉行諸善德者其解或相與成諸法
陰種種諸入當歡喜悅得好端正龍王具
觀如來之身以百千福而得合成起
於衆會普現巍巍其百千德由得自
在而使梵釋覆蔽不現觀如來身目
不敢視當其威光宗諸大士色身相

海龍王經卷第三 第十品

好莊嚴具足皆以善德校飾其體佛
語龍王仁所嚴淨皆因福成諸釋梵
天龍鬼神香音神無善神鳳凰神山
神甜柔神所有莊嚴皆因福生今此
大海若干種身善惡大小廣狹好醜
強羸細微皆自徒心而已獲之為若
千貌志身口意之所作為是故龍王
自護身行救濟罪福當作是學汝等
以護身行救濟罪福奉行諸善得成
佛道滅弃邪見不往有常无常之見當
求衆祐已殖供養因供養故當為諸
天世人所敬佛語龍王菩薩有一法
皆斷一切惡趣衆難何等為一專察妙
法云何正諦入於法樂多觀善法不
聽諸惡衆邪之想已斷惡法奉行衆
善在在所生與佛菩薩賢善性俱佛
言何等善事已立德根天人之安不
為聲聞緣覺之本立道本者志無上
正真道何謂立本謂行十事何謂十
身不熱盜姪口不妄言兩舌惡口綺
語意不嫉恚癡是謂立本
佛語龍王人不熱生得十善寂法何
謂十常施安隱於一切人常樂慈心

海龍王經卷第三 第十品

斷瞋恨心所生之憂常無疾病常種
長命為非人所護卧安寢歡未曾惡
夢不懷怨結不畏惡趣壽終之後得
生安處人不熟生得斯寂法以不熟
生善本之德願志無上正真之道若
成佛時而得自在於壽命也佛告龍
王人不盜竊得五信法何等五得大
富無有縣官水火盜賊怨家惡子
能竊取者眾所愛敬到處寂然所至
無難患畏永除以不取之福志存慧
施殖眾德本志願無上正真之道以
依如來無見之慧成取正覺使立神
通佛語龍王人不犯邪姪得四明智
所歡之德何等四攝護諸根離諸調戲
一切世間志共稱歎已離邪姪無敢輕
所其妻室者以是德本志願無上正真
之道得大人相馬陰之藏佛語龍王人
不妄語諸天世人以八法歎何謂八
得面清淨語言中當一切世人所見
任信自成其證天人所敬心懷至誠
而無邪想心意清淨而無諛諂多所
歡悅無患獸者能受禁誨無有虛言
生天上人間獨見任信無有疑者以

海龍王經卷第二 第十誡

至誠言善德之本志願無上正真
道因此所行常得至誠佛語龍王人
不兩舌得五不別離何等五身不別
離無散亂者眷屬不散不傲他人得
信無壞見於緣報他無壞法以行為
要得親友和用无欺故以是德本求
軍正覺得成如來眷屬無乱一切眾
魔及與怨敵終不能壞如來眷屬佛
語龍王人不惡口得八清淨言辭之
報壽終之後得生天上何等八所說
如諦所言系數所言如應所言和順
所言能受所言光曜所言眾人莫不
承樂所言眾所不譏因是德本志願
無上正真之道得成如來音聲超梵
佛語龍王人不綺語得三正行何等
為三常為眾明諸等敬愛心常專一
入于至誠不以多言於天上人間常
得大尊不為雜碎以是德本志願無
上正真之道為佛所授決得成如來
所言無異佛語龍王人不嫉妬得五
威神何等五身口意明諸根具足得
極財富而以自恣降伏諸冤樂於飲食
美味生活之業福德巍巍為諸國王

海龍王經卷第二 第十一誡

所見恭敬而蒙覆蓋如已所有微妙
之寶致差特家功德宿本不嫉他財
因是德本志願無上正真之道成等
世尊三界所奉佛語龍王人不瞋恚
得八心歡喜法何等為八無害樂諦
滅除瞋恚樂於誠實心不樂諍心樂
質直安詳而和等於聖賢常懷慈心
憐傷具足見人安悅端正殊好眾人
所敬生於梵天不以為難心以方便
哀和之故是為八因是八德本志願
無上正真道意得為如來至真等正
覺觀無獸者
佛語龍王人不邪見得十法德何等十
志性真實得人善友信善惡之報若
已沒命不傷犯人念行佛道心無有
異不事天神志懷質朴捨於諛諂神
呪之術與諸天人以為朋友不與地
獄餓鬼畜生而作伴侶與眾特異切
德巍巍聖道為上離於邪見離於貪
身離於惡見都無罣碍於聖平等須
臾之間生天上人間是為十德法已
離邪見得本志願無上正真之道近
得諸佛道法速運神通成為如來佛

海龍王經卷第二 第十二誡

語龍王菩薩難於繁生而行布施常得大富長壽無極行菩薩道一切外怨莫能當者已離盜竊而布施者既饒財寶人不敢取行菩薩道無能妨廢合聚一切功德之法離於邪淫而布施者後常大富妻無逸態在於人間無敢犯者其家女人而不色視離於妄語而布施者常大富有不被誹謗以下劣人皆蒙擁護行菩薩道言行相應所願堅強離於兩舌而布施者常大富有眷屬不別行菩薩道則得菩薩一切眷屬質直等性已離惡口而布施者常大富有所言人受行菩薩道入於衆會莫不欣樂離於綺語而布施者常大富有所言輒行行菩薩道斷一切疑難於嫉妬而布施者常大富有喜好衣食床卧具足行菩薩道已所喜者而以加施得大尊豪離瞋恚心而布施者常大富有威耀端正所言說者衆人愛樂行菩薩道心無加害諸報具足離於邪見而布施者常大富有立於正見生於族姓值佛世尊行菩薩道不離諸佛常

海龍三經卷第二 第七經

得聞法發菩薩心佛語龍王又謂十善布施在嚴廣大乃余此十善行以戒在嚴以自具願得諸佛法以忍在嚴諸相種種好成佛音聲以精進在嚴降伏魔怨以佛法有所超度以禪在嚴心意所趣而以清淨以智慧在嚴除諸狂見行慈在嚴當以仁和不害衆生行哀在嚴不捨黎庶行喜在嚴無慳心行護在嚴得無所著斷諸疑結行思在嚴勸化群萌行意止在嚴止身諸痛痒心法具足行意斷在嚴斷諸惡法具足善德神足莊嚴神足輕舉五根在嚴堅固其行以上精進而無放逸以心修治除諸塵勞五力在嚴以質直心降化衆怨覺意在嚴曉了諸法如本所由八路莊嚴懷來正慧寂然莊嚴滅除一切諸垢塵勞以觀莊嚴觀諸法本審諦念无善權莊嚴有數無數有為無為具足安隱佛語龍王取要言之十善之德具足十力四無所畏成諸佛法以具足之故於是十善之德廣普莊嚴常當精進譬如郡國縣邑村落丘聚百穀

海龍三經卷第二 第十經

藥草樹木華果種種刈獲皆因地立十善之德天上人間皆依因之若學不學及得果證住緣覺道菩薩道行諸佛法皆由從之於是海龍王白世尊曰何謂入法門菩薩所行入法門者除於宿世陰蓋之罪已除陰蓋得至起異佛語龍王菩薩有一法除諸罪蓋何等一立於擁護不捨所說悔過首罪復有二法除諸罪蓋何等二常觀淨法不造現在復有三法除諸罪蓋何等三入因緣慧具足悅心依本淨法了知本無復有四法除諸罪蓋何等四曉了於空不住無想趣於無願慧無所造復有五法除諸罪蓋何等五無我無人無壽無命無識復有六法除諸罪蓋何等六歡喜篤信而無狐疑往返進止觀察審諦所作至誠不失正信是為六法除諸罪蓋龍王白佛何謂菩薩得至起異世尊曰菩薩有十事得至起異何等十常念歡悅心性清淨善權方便堅強精進觀察人物行無極哀修德無厭憐聞不憚奉無放逸念於道場令得佛慧不

海龍三經卷第二 第十五經

捨道心是為十事菩薩所行得至起異

燕居阿彌倫受次品第十二

於是燕居無善神白世尊曰何謂菩薩起諸德上佛告無善神菩薩有八法起諸德上何等為八菩薩於是難於貢高為一切人下屬謙敬受教恭順言行相副謙順尊長一切德行諸法為本所行堅強起諸善德樂於微妙若干種施寧失身命不求人便見有危懼施以無畏來歸命者不以捨棄求於一切福慧之業不以厭足是為八法無善神又問佛言菩薩有幾法行得身長大面部引滿者屬繁熾意廣無極佛告燕居無善神菩薩有四事得身長大何等為四不說他人所作貪嫉作佛形像根相具足和合離別勸令志於無上正真之道向於眾生無傷害貌是為四事得身長大菩薩有四事面部引滿何等若干瓔珞而用布施一切所愛施而不惜常以慈眼觀於如來見人端正不生嫉妬是為四事得面色引滿菩薩有四事得眷屬

繁熾何等四離於兩舌未曾破壞他人眷屬見他支黨代其歡喜不捨道心并化他人令發道意是為四菩薩有四事意廣無極何等為四其心清淨而無諛諂除重愛欲所在中間而無厭疲志於微妙深入要法一切諸法本末皆空是為四菩薩意廣無極於是燕居無善神與三萬二千眷屬各各以若干種八千天華散世尊上以偈讚曰

其有於十方人種不可量須臾一時頃則供養世尊假使十方人一切供養德在於百千劫等心給足人不能及慈心慈傷之福行寂然極如應供養安能報是為諸十方供養之奉事發心無異等正諦住如應於是吾自由立志無諛諂已覺了本無自致得佛道人中尊見慈三界無諛諂十力證明我解我心性行柔軟無怯弱以難諸恐懼布施調禁勝持戒及忍辱精進于定意為應住智慧順從慈愍哀常奉至誠行加哀不為我勝不受善次人尊我便當自別受佛決吾志不狐疑謂不成自由吾了了究竟

志淨在于道人中尊時笑月英尋問曰今何故欣笑唯聖解說之化度時告曰月英具聽之吾所以示現奮出大光明時燕居廣普志願尊大道三萬二千人諸所從眷屬於百千劫中常行菩薩道一切志同等當得聖佛道當供養諸佛等如恒邊沙所開化人民其數復過此其劫日歡喜又号淨復淨得佛難寂塵覺了至元憂此燕居廣普當運為法王超出精進力号曰帝幡幢其世界名曰吹樂仁莊嚴衣食豐平賤僻如兜術天其十力壽命七十億萬歲滿六十那術比丘比丘居諸菩薩之眾有八百那術堅住於愍持所聞志解了彼於歡喜劫又号淨復淨皆以如是比當成尊佛道開化百千人悉使住佛道具觀是德勝菩薩之道心燕居無善神彼聞佛授決四十萬大衆志發菩薩心三千界震動則時雨天華美爍爍要德心意之所持無焚龍王受次品第十三

於是無焚龍王白佛言一切諸法皆無所住亦無有人何有受決者誰當成至無上正真道為取正覺乎佛言

如是如仁所言一切諸法皆無所住亦無有人一切諸法亦復如是凡夫愚人處於顛倒住吾我人無人起人想善善發大哀為除顛倒去吾我人被覺德鎧此正士等曉了諸法無吾我人開化誘立吾我人命屬仁所云誰云決者諸仁等解人空無我則為受決一切法等觀諸法寂則為受決諸佛國等而無所取心淨無垢則為受決慧觀諸佛等諸佛道不壞法界則為受決於諸魔眾等一切魔於塵無塵了心本已則為受決無名无相無應不應无念不念不受不捨則為受決佛語龍王其心意識無所住立則為受決諸法如是以無因緣諸法本諦覺了諸法平等無異則成無上正真之道究竟求本無有受決及成佛道若受決者若受決已所以者何諸法無形本末悉斷皆無有主一切諸法徒因緣轉諸法如空無從生相故諸法無從生相無所至相故諸法無所從來計本空故諸法無所至未發起故諸法無所住不可得處故

海龍王經卷第二 第十九章 收

諸法悉空用無身故諸法無著用無猗故諸法無所倚不可動故諸法不可動無處所故諸法皆愚用自然故諸法自然無言教故諸法無言教無色像故諸法無色像用無念故諸法無念無因緣故諸法無因緣無所行故諸法無所行用寂然故諸法寂然無受陰故諸法無受陰本淨空故諸法脫相用無二故諸法無二用本一故諸法本一離若干故諸法等無差特用等覺故佛語龍王解諸法等無受決者不成等覺且觀于是如來堅固與無極哀及諸菩薩勸樂之力諸法如是以無央數為人解說合會有數於諸法觀無解脫人法亦不度人如法者人亦如也道亦如也佛亦如也決亦如也諸法亦如也故曰如來了於本無住本無故而不可動故曰本無本無像本無壞解了本無故曰如來以如來故等住本無諸法如是等如本無住是為如來等住之地其有菩薩聞是說者不恐不怖不畏不難以是如來等住之地為人解說佛說是

海龍王經卷第二 第十九章 收

時三千菩薩皆得法忍阿耨達龍王歡喜踊躍以白珠瓔珞價當是世而覆佛上

女寶錦受決品第十四

今時海龍王有女号名寶錦雖垢錦端正殊好容顏英艷與萬龍夫人俱各以右手執珠瓔珞一心視佛目未曾眴礼佛而立時寶錦女及万夫人以珠瓔珞奉上世尊同音歡曰今日吾等一類平心皆發無上正真道意吾等來世得為如來至真等正覺當說經法將護眾僧如今如來於時賢者大迦葉謂女及諸夫人無上正覺甚難可獲不可以女身得成佛道寶錦女謂大迦葉心志本淨行菩薩者得佛不難彼發道心成佛如觀手摩適以能發諸通慈心則便攝取一切佛法女謂迦葉又如所云不可以女身得成佛道男子之身亦不可得所以者何其道心者無男無女如佛所言計於目者無男無女耳鼻口身心亦復如是無男無女所以者何唯仁者眼空故計於空者無男無女耳鼻口

海龍王經卷第二 第十九章 收

身心俱空如是虛空及寂無男無女若能解了分別眼本則名曰道耳鼻口身心亦復如是計於道者無男無女法是故迦葉又如諸法皆在自然道亦自然吾亦自然迦葉問女汝是道耶其女答曰尊者昔年謂我是非道乎迦葉答曰吾非佛道是聲聞耳女又問曰誰開化仁答曰如來女曰假令如來不成正覺寧能開化於昔年不答曰不也是故仁者當知在彼則為以道無不覺道迦葉問女汝為道乎答曰唯然迦葉迷則道也所以者何以別本淨可覺了道者則无有迷解迷本淨則名曰道空者本無分別諸迷則名曰道假使諸法有合有散則非道也等一切法順如應者乃為道耳迦葉問女誰以如此辯才相施女答曰尊者迦葉施我辯才設使仁者不問於我何因發辯辭如迦葉無有呼者何緣響應假使無問菩薩義者無因發辯迦葉問女汝為供養幾何佛乎女答曰如仁者所斷塵勞迦葉答女曰吾不斷塵勞女又問仁者俗

有塵勞穢耶迦葉答曰吾無塵勞亦不斷矣女又問曰安置諸塵勞答曰不起不滅亦無所置所解如此如本無也又問本無寧可知耶答曰不也又問何故仁言其慧如道如所知了明無為知如此如解本無是故名曰慧與凡夫等又問女汝所辯者斷一切言答曰吾無所斷亦無有言所以者何法界無所斷一切所說皆應法界迦葉又問女汝等我於凡夫法寧不有疑乎女答曰假使立仁凡夫慧法而各異者吾當有疑吾謂仁者凡夫無異以故無疑諸法皆等無若干故是謂平等如虛空是謂平等又問女汝於凡夫等聖賢耶答曰吾不凡夫亦非聖賢所以者何假使吾等身與凡夫等不行菩薩設使賢聖等則斷佛法又問女設汝不與凡夫等亦不與聖賢等寧與佛等乎女答曰不也所以者何吾身本於佛法等又問女曰假使汝於佛法等者寧逮佛法乎女答曰仁者昔年寧信佛法有去來今現在緣耶有方面乎有所處青黃赤

白黑不答女曰諸佛之法無有形貌女答曰假令諸佛法無有形貌云何從我求乎迦葉問女佛法當於何求答曰當於六十二見中求又問六十二見當於何求答曰當於如來解脫中求又問如來解脫者當於何求答曰當於五逆中求又問五逆當於何求答曰當於度知見求又問此言何謂女答曰無縛無脫無取無捨此為本淨是為諸法之深教言非若干言又問女是之言教不違如來言乎女答曰是真諦言不為違失如來之教所以者何如如來之道而無所得亦不可持亦無言說一切所言皆音聲耳曉了道本亦無音聲唯仁者解道寂然無跡以名跡自愛跡迦葉又問假使道無跡如是比相云何成取正覺答曰亦不從身亦不從意得取正覺所以者何身心自然乃成道耳其自然者都無所覺吾則是道不以為道成取正覺迦葉問女汝設是道何不轉法輪女答曰我轉法輪耳迦葉問曰所轉法輪為何等類女答曰無動之

輪遠離一切諸所倚住其法輪者謂法界住故本無輪者順本無故無斷輪者如本淨住故無著輪者覺了一切諸法無所著故無二輪者等於一切法故無若千輪忍一行故無言法輪者化諸音聲皆無所想入一味故清淨輪者一切無塵故斷諸不調輪者不得有常無常故無亂輪者善觀報應故至誠輪者無起無滅故空無輪者無相無願故唯迦葉輪已如是何所轉者大迦葉曰如女之辯才不久當成無上正真道寂正覺女答曰假令迦葉成寂正覺時吾亦當成寂正覺迦葉答曰吾終不得成寂正覺女答曰如是了法身者道住無所住無能得致成寂正覺女說是語時五百菩薩速得法忍佛時讚曰善哉善哉快說此法

海龍王經第五卷 第三十五品 次

世如來至真等正覺世界曰光明劫曰清淨其光明世界如來光常當大明菩薩九十二億佛壽十小劫於是乃龍后白佛言普世如來得為佛時吾等願生彼國佛即記之當生其國天帝釋品第十五

於是天帝釋白世尊曰此忉利天常懷恐懼難無善神天與無善神共戰鬪時展轉共諍懷其怨結各有瞋毒唯願世尊慈愍眾生諸無善神皆悉來會此諸忉利天慈令共和佛告燕居無善神誑詐超度難垢錦無善神言諸仁者其仁慈心諸佛所歎人能行慈現世後世具足利義其命甚短當就後世合會有離國土豪貴皆歸無常汝等之身不免此患當觀後世和順同心無得懷瞋將護罪福因緣之對於是世尊為說辛酸悲哀之言使無善神及忉利天悉共和解各自說言吾從今始當為親友順于等行各各當懷悲心愍哀無瞋恚意佛言善哉善哉諸仁者是則第一供養如來用行慈故說是語時所教造福共

海龍王經第五卷 第三十五品 次

和不諍謂慈心三昧有四事尊敬如來何等四不違犯戒身口意慈不斷三寶志於佛道如所聞法為人講說是為四事尊敬如來為供養也於是會中二萬三千天無善神聞說此言皆發無上正真道意

佛說海龍王經卷第三

辛丑歲高麗國大藏都監奉勅雕造

海龍王經第五卷 第三十五品 次

佛說海龍王經卷第四

改

金翅鳥品第十六

西晉月氏國三藏竺法護譯

尔時有龍王一名翳氣二名大翳氣三名龍黑四名无量色而白世尊曰於此海中無數種龍若干種行因緣之報來生於是或有大種或有小種或有處劣獨見暫侮有四種金翅鳥常食斯龍及龍妻子恐怖海中諸龍種類願佛擁護令海諸龍常得安隱不懷恐怖於是世尊脫身曳衣告海龍王汝當取是如來曳衣分與諸龍王皆今同通所以者何其在大海中有值一縷者金翅鳥王不能犯觸所以者何持禁戒者所願必得尔時諸大龍王皆懷驚懼各心念言是佛曳衣甚為小安得同通大海諸龍時佛即知諸龍王心所懷疑恐告海龍王假使三千大千世界所有人民各各共分如來曳衣終不減盡其欲取衣群如虛空隨其所欲則自然生佛所建立不可思議巍巍之德其如斯矣

時海龍王即取佛衣而自分作無央數百千段各各部分分與龍王龍王之宮隨其所之廣狹大小自然給與其衣如故終不知盡於時海龍王告諸龍王當敬此衣如敬世尊如敬塔寺所以者何今此衣者如來所服以是之故如敬塔寺也假使一切供養如來有奉此衣等無差特於是世尊告海龍王如是如是如仁所言其奉此衣則供養如來且觀諸龍及龍妻息各各所分如來衣不對曰唯然已見佛言我皆授汝即脫龍身於是賢劫除志大乘其餘諸龍皆得無著當報五洹如是龍王如來在世一切衆枯發一善心緣當致佛未曾有失尔時海中諸龍及龍妻息欣然大悅自投佛前同音說言如來所語終無有二至誠不虛授我等乃至無為度吾等今日住於大海歸命佛法及諸聖衆奉受禁戒恭順如來反復之義如來現在數數往造見佛稽首聽受法義般泥洹後供養舍利一切衆具而以奉事世尊舍利於是四金翅鳥王聞佛所建立

海龍三經卷第四 第三經 改

惶懷速疾往詣佛所前稽首足何故世尊奪吾等食佛言都有四食坐趣三處何等四一日網獵禽獸殘害群畜然生枉命以為飲食是趣惡處二日執帶兵杖刀矛矚刺逼迫格射劫奪他財以用飲食是趣惡處三日慳貪諛諂憤亂犯禁邪見巧欺而得食是趣惡處四日非師攝師非世尊稱世尊墮邪攝正非寂志攝寂志非清淨攝清淨非梵行自攝梵行自攝詐求而得食是為四食坐趣地獄餓鬼畜生三惡之處吾所說法除此四食不當以此養身害衆生命所以者何一切衆生各自愛命無自惜者以是之故欲自護身當護他人安隱衆生明者如是不以危逼人所不當作慎勿為也尔時四金翅鳥王各與千眷屬俱而白佛言今日吾等自歸命佛及法衆僧自首悔過前所犯殃奉持禁戒從今日始當以無畏施一切龍擁護正法至佛法住時順道法至于滅盡不違佛教佛告四金翅鳥王汝等之身金仁佛時為四比丘名曰欣樂大欣

海龍三經卷第四 第三經 改

樂上勝上友是四比丘違犯戒法貪於供養志迷醉感隨親友種逐於豪貴意亂吾我墮於邪見輕諸比丘逼迫惱之不護身口意作惡衆多供養金仁佛亦不可計以是之故不墮地獄墮此禽獸前後然生不可稱計多所恐怖用不自護世尊應時即如其像現其神足令四金翅鳥識念宿命所可供養金仁佛及諸弟子彼時所作罪福普念念之目觀悉見前世所作白世尊曰其心剛難可調伏坐心貪猥多所危害違金仁尊教我等今始寧沒身命不敢犯惡佛為說經授其決言弥勒佛時在第一會皆當得度舍利品第十七

今時海龍王子及一切龍白佛言未曾有世尊如來所說普安一切授諸龍決開化眷屬皆發道意又以加恩乞施卑衣使諸龍分各以供養指首奉事緣是得護因發道意慈愍衆生遘四等心慈悲喜護興隆四恩惠施仁愛利人等利一切救濟合聚由此行德沙不雨身離於衆息又寂意時

不失天身變為龍龍意後不遭蝦蟇金翅鳥王不取食之佛化四鳥皆識宿命金仁佛時為四比丘坐行兜暴不順正法逼迫同學故墮金翅鳥自首悔過改心易行發大道意行四等心不害群黎以得善護吾等永安不復見食志不懷懼長夜無難皆蒙佛恩今如來受龍王諸所演廣覆辟如虛空無所不益于今世尊還閻浮利海中諸龍無所依仰唯加大哀佛滅度時在此大海留全舍利一切衆類皆得供養華香伎樂被服幢幡轉加功德速脫龍身疾得無上正真之道續見救濟惟佛垂恩威德兼加所願得果佛言善哉從今所志時須菩提謂諸龍子諸仁者等勿建此心則為妨廢一切之德所以者何佛涅槃後舍利分布八方上下天龍鬼神一切人民蚊行喘息人物之類皆當供養華香伎樂指首自歸變化現光見者歡喜知佛威神巍巍無極緣是信之皆發元上正真道意或成緣覺或得聲聞或生天上還得人身與法相

值世世得度如是之計普蒙獲濟今者卿等各自求願使佛世尊在於大海而取滅度供全舍利獨欲奉侍一切衆生何緣得度永為窮厄無一救護以故吾言勿發此心令佛世尊海中滅度獨奉全舍利而供養乎諸龍答曰唯須菩提勿宣斯言無以已身限導之智以限如來無極之慧如來功德聖道自在無不變現無遠無近無彼無此普遊十方其若虛空發意之須能令海中諸龍神宮三千大千世界州城郡國縣邑丘聚人中曠野天上世間各各化現佛全舍利一切供養於佛身體不增不減分身十方無數佛土亦無所分普現一切不去不來譬如日影現於水中佛亦不生亦不滅度去何欲限如來慈乎欲限如來為限虛空時須菩提問諸龍子歎如來德無窮無極不可譬喻默而無言海中諸龍虛空諸天及諸鬼神踊躍歡喜皆發無上正真道意時佛歎聖諸龍子曰善哉善哉仁等鑒明誠如所云無有異也佛道高妙无邊無

際無方無圓無廣無狹無遠无近靡如虛空不可為喻

法供養品第十八

於是世尊告海龍王吾於大海所當教化皆以周卑欲還精舍即從坐起與大衆俱尋從寶階出于大海以無極在嚴廣普威神住於海邊亦時大海神名曰光輝則以此偈而讚歎曰身相三十二天人所恭敬無善神奉宗稽首人中上光如百葉華猶若月威明清淨德超異稽首施安隱願客殊妙好百福功德相德慧度無極稽首於導師施與調順上積於清淨戒忍辱力取勝稽首世之上過於精進力極定思清淨智慧如虛空稽首以自歸行慈以等心修哀攝衆生喜心導御衆常護度彼岸妙音如哀鷹所說喻梵聲其響甚柔軟願以稽首礼降伏於魔怨其力無等倫遵修願道法三摩耶奉持淨除於三垢講說三脫門其名聞三千是故稽首礼善願常至誠超度諸法上尊勝諸國王常施惠大財以離說諸塵威神甚巍巍光顯大殊妙是以稽首礼心堅如金剛

法苑珠林卷第四

法苑珠林卷第四

法苑珠林卷第四

辟如須弥山意至猶若地故稽首德海為人說空義常寂度無極湛然心平等願以自歸命開演如甘露無趣斷所趣天人人所敬願稽首寂勝聞天上人間名稱無有比德普不可量稽首于德海所作如所言為人說本行所與為人講稽首善調御度於老病死為賢衆所奉演說解脫句稽首歸命佛分別罪福應淨除邪見冥為現正道行歸命於寂勝以經實布施究暢于法樂等心於怨友以歸命世尊我等敬導師於德度無極所以咨嗟福願後如世尊

於是海神光輝說是偈讚佛已顯揚大海如來出海海無威神願佛垂恩遺以法教使此海中蒙其莊校而獲度脫佛告海神有十法行得至莊校何等為十護於諸根十善清淨志于慈心不害衆生意立大哀發无上正真道一切布施以若干行在嚴其願以大精進具足善法心常寂然不違本德好樂經法智慧清淨以慈哀行開化衆生立於正德入乎殊異以致欣悅還得佛意導以佛教是為十法

致乎莊嚴時大海神光輝與二万天神發無上正真道意俱共歎曰今以莊嚴於是大海所以者何若發道意則為莊嚴三千世界何况海乎我等以發諸通慧心一切莊嚴之功德也我在於海如來現在若滅度後擁護佛法今其宣布如來入城現衆莊嚴蒙以法恩化作講堂佛告光耀海神汝前後供養万佛普立大殿又護正法次當供養賢劫與佛將導正法竟賢劫已當生無愁佛國妙樂世界轉女人身得為男子無愁如來當授汝汝為无上正真道時大海神光耀聞佛授次歡喜踊躍則取珠璣價踰海寶用散佛上即而頌曰

佛以聖諦音能仁授吾次我不懷猶豫後當成佛不可令三千界地所有劈裂亦今日西地佛所說不妄觀慈志境界心淨修精進今察我莊嚴恭敬善法義觀安住所行以慈哀狐疑了心如野馬所說審至誠施安除衆苦殞命救恐畏所療益無難稽首取正覺度脫諸惡趣歸命光顯世導師明無上稽首佛說道

其有聞佛聲 諸天人快利 佛法清淨行
志在于佛道 不得歸惡趣 便棄于八難
生天在人間 後得寂然跡

於是海龍王子名曰受現白佛言無
央數天龍神香音神無善神鳳凰神
山神恬柔神供養佛我身亦當少少
供養如來正覺假使世尊慙傷聽者
化作大殿辟如忉利天上選宮佛及
弟子悉履其上送至靈鷲山世尊曰
如仁者願宜知是時受現龍子自以
神力奉佛聖旨化大嚴殿如忉利宮佛
及衆會皆蒙其主在虛空中與八万四
千龍王諸后鼓諸琴瑟而雨衆華及
一切香送佛世尊詣靈鷲山海龍王
子與中宮俱在世尊前自投歸命願
聞不及所以者何所興供養當如其
實佛為一切無上福田世尊大寶正
使三千大千世界滿中羅漢皆共供
養於百千劫不如奉侍如來世尊如
是乃應供養又世尊何謂菩薩供養
如來佛言且聽菩薩所行供養如來
其心清淨除於瑕穢而無諛諂本性
自然不著一切諸善之本無加害心

法華三經第四卷 第十卷 改

等光衆生除然邪心所行鮮潔言行
相應不侵欺世賢聖智足威儀至德
一切平平而不違捨賢聖大願樂於
空閑捨衆憤鬧自調其心聞法靜思
解知本諦無我無人無壽無命入於
空無入普達寂觀空無想無願至三
脫法如是像法調諸邪見棄有常无
常不起不滅速得法忍本淨無人無
身口心志行因緣是則應法供養如
來身口心行則不供養無所造行不
進不退淨三道場等於三世除去三
垢不著三界入三脫門得三達智是
則名曰供養如來時海龍王問世尊
曰其有人以華香雜香擣香繒蓋幢
幡伎樂衣被飲食牀卧病瘦醫藥供
養如來寧應供養不佛言龍王隨其
所種各得其類此之供養不為究竟
離於垢塵殖于德本逮至賢聖心之
解脫不為無德不至無上菩薩有四
事應供養如來何等四不捨道心殖
諸德本心立大哀合集慧品建大精
進嚴淨佛土入深妙法心得法忍是
為四尊敬如來為供養也

法華三經第四卷 第十卷 改

尔時王舍城中梵志長者及無央數
人民尊者大臣上至摩竭國王阿闍
世聞佛在大海龍王宮就請來還靈
鷲山時七万二千人皆詣佛所王阿
闍世與官屬三万二千出王舍城詣
靈鷲山稽首佛足遠佛三匝却住一
面前白佛言佛入大海水何所至佛
言大王其有比丘威光定意心正受
者普見滿火其水安在王對曰三昧
自在之所致也天中天志心所為也
佛言王寧得聲聞所興三昧自在已
耶心之所為乎如來常定等一切法
曉了坐起而得自在於法為尊心無
所碍佛入大海其履水類續見如故
其陸地人觀乎大海其水枯涸但見
衆寶而在嚴之辟如第六他化自在
諸天宮殿所莊嚴也佛光普照諸龍
宮殿香音神宮無善神宮其大海中
含血之類皆行慈心仁意相向無懷
害者阿闍世王白佛其海龍王久如
發無上正真道意奉事幾佛何時當
逮取正覺所為何佛告王曰乃往
久遠無央數劫不可思議彼時有佛

法華三經第四卷 第十卷 改

号光淨照耀如來至真等正覺明行
成為善逝世間解無上士道法御天
人師号佛世尊乃在東方世界日善
淨現劫名可意寂其善淨現世界平
正而慈莊嚴假使一切嗟歎其德不
能究竟時有轉輪聖王号曰護天常
供養光淨照耀如來四百二十萬歲
一切施安竟此之數寐於夢中自然
瑞應聞此偈曰

王以供養大聖人 甚多元量難思議
常與慈哀於衆生 當發取上菩薩心
是供養尊妙第一 此則奉敬諸如來
其有能發菩薩志 則為度世威神德
佛告阿闍世王其護天轉輪聖王夢
聞此已寤自驚恠吾供養佛四百二
十萬歲佛說經法章句各異初未曾
聞如此偈經是佛說邪魔所云乎即
疏偈文而誦誦之時光淨照耀如來
行遊諸國聖王即與八萬四千王及
八萬四千后國中臣民其諸往者各
八萬四千俱往追佛欲決斯疑即遠
見佛猪首足下敬問元量即白佛言
吾供養佛四百二十萬歲佛說經法

海龍王經第四卷 第三品 頌

若干種教我昨夜夢夢中見佛說此
二偈寤甚驚恠未從如來聞此偈教
不審佛所歎乎魔所說耶今故遠來
欲決此疑唯願世尊分別說之佛告
護天是吾所讚非魔之所云王又白
佛言我奉事世尊若干億歲供養衣食
無所乏少為我說經章句各異今時
何故不歎此義佛即以偈答王曰
人心羸劣未有識 初習福事未見深
不可為說微妙法 心中驚疑或作却
以解罪福信佛法 心堅意固不退動
乃可為說菩薩事 尔乃解至元極慧
時王及群臣后民心中大悅皆發元
上正真道意尋立不退轉地則以此偈
而讚世尊曰

不以貪諸色 亦不荷音聲 香薰衆細滑
不以此得佛 離慳念悵弱 避貪嫌犯法
除瞋惡憤亂 乃得成正覺 捨身諸所安
代衆生受惱 精進常樂法 如是乃得佛
我今志大道 佛與天證我 唯導師造行
今所言無異 夢中聞道心 適聞志大乘
所作慈無疑 得至佛法王
佛告阿闍世王欲知今時轉輪聖王

海龍王經第四卷 第三品 頌

護天者不今海龍王是彼時初發無
上正真道意又王所問何時成佛王
具當聽過二百無央數劫當成為佛
号無垢淨元量德超所有王如來至
真等正覺世界曰法音聲劫曰首華
其法音聲世界衆寶合成若干種色
地平如掌其地柔軟如天統統有万億
安明山廣普難量安隱豐熱五穀平
賤天人充滿衣服飲食如第六天人
所居法音聲世界諸樹根葉莖節華
實皆以七寶悉出無數若干百千道
法音聲其界人民猶若諸天所語變
化柔軟之聲皆承法音寂然潛泊及
佛法衆智度無極四恩之教善權方
便滅定離欲空無想不願無為無數
以故其界名法音聲其有天人在彼
土者樂法歡喜皆當入大聖分別諸
慧審諦究竟發元上正真道意其佛
欲說經時身放大光普照佛界其光
明中則出億佛說諸法聲時諸天人
見光聞法欣然大悅往詣如來自歸
供養則無央數以神足力飛行虛空
化寶蓮華而坐其上如來應時亦在

海龍王經第四卷 第三品 頌

虛空坐師子座為諸菩薩講說經道時諸十方無央數百千諸菩薩者皆當來會聽受經法其國人民皆樂經法亦無諸魔有所嫉害亦無眾邪異道亦無橫死其佛壽十二劫諸菩薩行起過於空其國如是莊嚴无量說法無限菩薩無數

空淨品第十九

王阿闍世前白佛言唯然世尊常於諸法有大愍哀諸法誑詐因惑起想隨其所欲展轉相惑菩薩之行不可計量彼為菩薩當修道行至彼佛土具足嚴淨諸菩薩行皆當追學攝取佛土如海龍王國土嚴淨佛言如是如是大王一切諸法皆從念興隨其所作各各悉成諸法無住亦無有處今時阿闍世王謂海龍王快哉龍王為得善利乃今如來授仁之決當成佛時國土清嚴不可思議龍王答曰法無有決所以者何諸法皆靜因種陰入假名曰人其受決者無陰種入以有名色假名為人其受決者無名无色因緣報應見思想念假名曰人

海龍三經第四卷 第十六章 改

其受決者無有報應無見无思無想無念假使菩薩等行德本彼之德本亦無決矣諸法相空虛空無決一切諸法无想無願無為無數不授无想無願無為无数之決也龍王復謂王阿闍世諸佛大哀不可思議諸經無名無有思想而說名想諸佛世尊无名相識而隨習俗因而亦現有授決也彼亦無法受決亦無内外當受決者阿闍世又問龍王言以得法忍運平等行菩薩如是乃得決乎海龍王曰其忍志空想不可盡究竟曉了至于本際无盡之際平等之際無我之際吾我之際審諦之際至于究竟無成就際其際以空至于脫際姪怒癡際有了是際則無所荷無所荷者設於音聲聲會無合會者不著無脫無脫无行行無所行亦無不行亦无所憂已無所憂於斯菩薩則都一切諸所作行所見無見假使无所見不作審諦而已平等入已所住已平等度不殘不礼不卒不暴以等諸法然後得忍彼所謂忍及所授決若受決已及

海龍三經第四卷 第十六章 改

受決者是一切法皆平等法乎諸法界究竟無法界無不以決了亦無所成觀此法已察其義理諸法無能計者譬如虛空不可計數以度諸數諸法如是海龍王說是語時二万菩薩得不起法忍百比丘漏盡意解

今時王阿闍世白佛至未曾有世尊龍王之辯佛言未足為怖不以為難新發意者聞是不恐不難不畏是乃為難所以者何諸佛世尊本之道法如是難及少有信者天上世間人不能受不入不信而不喜樂以故當知其有聞是深經法者不以恐畏此乃為難前世供養無央數佛安以為難難如有人虛空無形而現形像為難不對曰甚難天中天佛言其聞此經深奧之義一切信樂皆知無我無人無壽無命其有信者甫當信者此等則是如來明乎夷之類親友善師也則能堪任信除垢塵為一切人講說經法能詣道場以慈降伏百千億魔及餘官屬為於諸法而得自在其心清淨諸通之慧近在目前發意之頃

海龍三經第四卷 第十六章 改

成智慧明遠取正覺勸誅衆生知一切心群萌諸根而轉元上大法輪也療一切病開化異道破壞怨敵吹大法盞於是海龍王所願皆獲不失本志聞所受大欣然大悅善心生焉踊在虛空以偈讚佛

如虛空本清淨 無色元受無數
安住說法如是 若虛空普自然
名不有而不無 造因緣及報應
安住諸調不諍 無人命无壽識
一切法甚清淨 吾我清念平等
吾我靜法等靜 解是者則受次
察法界本清淨 人界靜亦如是
如衆生界靜者 佛法靜亦復然
若佛法清淨者 諸佛土靜亦等
設佛土清淨者 諸慧靜无差特
諸法淨因數号 以計數不得名
由想數名本空 其諸名數無尋
群萌類志所念 無見无色無成
如無成心意識 諸法亦空無心
或有作則無作 有緣罪无受者
終始現無行者 名泥洹無寂然
入本際無礙原 虛空本無我際

海龍王偈第四卷 第十九卷 說

選諸際得等原 知衆生本審門
去來今現在際 順明智此諸際
於慧等無際門 究法界佛性
不起滅寂勝幢 空無想願本靜
無言聲真諦法 是諸聖寂冥地
若解諸法澹泊 自然悅如捉空
彼無吾我身寂 假如此樂聖法
十方佛所說法 當未佛所宣揚
一切等未來聲 因音現入無聲
聲空自然如響 諸法空猶虛念
無法非法教化 誠本無可不得
一切法無主名 若干想念非明
人名靜不可得 諸法本靜如是
囑累受持品第二十

於是世尊告諸大士言諸正士汝等
當持此如來說无上正真道使得久
存誰能堪任受持誦說如是像比即
時二万菩薩万天子起住佛前同音
白世尊曰吾等當受如是像經當今
祇布普周遠近佛又問言汝等云何
而將御法持斯如來无上正真道乎
彼有菩薩名曰慧英憶前白佛言唯
然世尊隱省諸法都無所持寧能易

海龍王偈第四卷 第二卷 文

易持佛道乎世尊答曰族姓子如斯
則應持佛道等見菩薩白佛言按察
佛道等乎五逆等少易持持佛道乎
世尊曰族姓子是故仁者則應持如
來佛大道也無見菩薩曰唯然世尊
我不見凡夫法亦不見學不學法不見
緣覺及菩薩法亦不見佛法我有持
如來法乎世尊曰族姓子以是寂故
應持如來佛大道也諸法無所願菩
薩曰唯世尊我永不知一切諸法當
所持者寧能為持如來法乎世尊曰
族姓子以是寂故應持如來佛大道
也不聞菩薩曰唯世尊我自不行亦
不違心亦不發意我寧為持如來法
乎世尊曰族姓子以是寂故應持如
來佛大道也無得菩薩曰唯世尊其
不說法及非法不演法聲除諸法想
如是行者為護一切法乎答曰族姓
子是應寂然無在菩薩曰唯世尊其
不聽受法應不應為護正法乎答曰族
姓子是應寂然虛空藏菩薩曰唯世
尊其觀諸法等如虛空不見彼法有
所執持為護一切法乎答曰族姓子

海龍王偈第四卷 第三卷 說

是應寂然度金剛作菩薩曰唯世尊
不壞法界入於人界及以法界為持
正法乎答曰族姓子是應寂然度不
動跡菩薩曰唯世尊其於諸法無所
動轉不持法及非法為持正法乎答
曰族姓子是應寂然度魔菩薩曰唯
世尊其至魔界佛界則於佛界及與
魔界悉以為入諸法境界為護正法
乎答曰族姓子是應寂然元著菩薩
曰唯然世尊其於諸法都無所得一
切毛孔皆出法聲為護正法乎答曰族
姓子是應寂然普寂菩薩曰唯世尊
不護諸魔行菩薩道為持正法乎答曰
族姓子是應寂然海意菩薩曰唯世尊
其以海印等一切法修一切解味而
知自然為護法乎答曰族姓子是應
自然須深天子曰唯世尊其有所生
不起不生諸陰種入無心意識為護
正法乎答曰族姓子是應寂然無垢
光天子曰唯世尊其見諸法無垢塵
者無眾瑕穢解脫諸受為護法乎答
曰族姓子是應寂然度人天子曰唯
世尊其度眾生不知萌顯度无所度

海龍三經卷第一 第三十三

既有所度現周旋還不住彼此為受
法乎答曰族姓子是應寂然賢王天
子曰唯然世尊其於眾生而等一切
諸法已等等諸國土等諸佛道為受
正法乎答曰族姓子是應寂然自在
天子曰唯世尊其於諸法而得自在
普於諸法不起不滅為受正法乎答
曰族姓子是應寂然善念天子曰唯
世尊我不念法亦無所得亦不有想
為受正法乎答曰族姓子是應寂然連
華天子曰唯世尊知一切法皆為佛
法不成正覺無所不覺為受正法乎答
曰族姓女是應寂然麻油上天女曰
唯世尊我不得女亦不得男如佛法想
及男女法想亦復同等此諸法想則
為非法亦非無法無二無一亦無所
至我為受法乎答曰族姓女是應寂
然寶女曰唯世尊我不見佛佛道觀
菩薩行為被一切志德之鎧不察於
本末為受法乎答曰族姓女是應寂
然無垢光女曰唯世尊於一切法不
起法想於一切人不起人想亦不想
念人法佛法觀諸佛法入一切法不

海龍三經卷第一 第三十三

見本末我為受佛正法乎答曰族姓
女是應寂然建行如是為受佛法於
是天帝釋白佛言未曾有也世尊此
女人等所說辯才不可思議分別方
便合若干音文字之說諸于法界不
亂諸法諸法平等如演說道等不差
特佛言如是拘翼是諸女等分別無
量不可思議法供養奉事不可計佛
以得法忍又拘翼是經卷者号不起
忍持無所御當為眾會廣說其義如
來滅度後受是法者護持法城則為
供養佛世尊已天帝釋白佛我已奉
受此經本已佛所建立當今廣普當
為將來諸大士故分別說之終不迷
謬達佛之教所以者何如來護我授
以法忍佛當建立此之經典令降眾
魔志行於斯佛言拘翼有神呪名曰
遮諸妨害具熟今為汝說神呪要言
使一切魔及諸外徑令諸官屬自然
降伏使如來法光明久立余時世尊
說神呪曰
無畏離畏 淨諸恐懼施無畏 度於
滅度無所亂 淨所亂 無所諱 不聞訟

海龍三經卷第一 第三十三

無懷瞋無以歿淨威神威神跡大
威神寂滅趣慈心除於瑕亦現諦
無蹉跎其同義吉祥義甘露句見
於要以導御無所懷行次第无所盡
光無生清淨生鮮潔光顯句等順於
等心至無上佛所建立戒清淨無所犯
無所負制魔場降外徑光輝法明
攝以法施開法藏

今是神呪過去當來今現在佛所說
以擁護法而順句義以此章句惣執
降伏一切諸魔塵勞跡也於是普首天
白佛言我當受此經典之要精進諷
誦當令廣普所以者何於如來法則
有反復長益法律布清白典我修反
覆擁護如來所貴法目時有天子名
曰德超白佛言若有受此如來之法
其福云何於是世尊即說頌曰

今吾所見國佛眼觀十方皆滿中珍寶
則以持布施其人所獲福計當過於彼
至心受世乳所說之經法合集諸辟畜
一切歎廣說終不能究竟惣持正法德
佛說是經時七十六鄰衛人皆發无
上正真道意六万菩薩得不起法忍

海龍王經第四卷 第三十三張 改

三千大千世界六返震動其大光明
普照世間而雨天華百千伎樂不鼓
自鳴諸伎樂音出是華聲如來之尊
建立是經降伏衆魔化諸外徑如來以
印印此經已順而不荒介時海龍王雨
大珠璣供養此經周遍三千大千世界
佛告賢者阿難以是經卷用為囑累受
持誦誦普令流布為他人說阿難對
曰唯然世尊已受斯經經名何等云
何奉持佛言是經名曰海龍王問龍
惣持品又名集諸法寶淨法門品當
善奉持

佛說如是海龍王及龍王子諸天人
民十方諸來大會菩薩諸大聲聞釋梵
四天王賢者阿難一切魔衆諸天龍
神香音神無善神鳳凰神山神甜柔
神及世間人莫不歡喜作礼奉行

佛說海龍王經卷第四

辛丑歲高麗國大藏都監奉
勅雕造

海龍王經第四卷 第三十六張 改